

四庫全書

史部

欽定四庫全書

元史卷二百六

明翰林學士亞中大夫知制誥兼修國史宋濂等修

列傳第九十三

叛臣

李璫小字松壽濰州人李金子也或曰璫本衢州徐氏子父嘗為揚州司理參軍全蓋養之為子云太祖十六年全叛宋舉山東州郡歸附太師國王博囉承制拜全

山東淮南楚州行省而以其兄福為副元帥太宗三年
全攻宋揚州敗死璫遂襲為益都行省仍得專制其地
朝廷數徵兵輒詭辭不至憲宗七年又調其兵赴行在
璫親詣帝言曰益都乃宋航海要津分軍非便帝然之
命璫歸取連海數州璫遂發兵攻拔連水相連四城大
張尅捷之功中統元年世祖即位加璫江淮大都督璫
言近獲生口知宋調兵將攻連水且諜見許浦射陽湖
舟艦相望勢欲出膠西向益都請繕城塹以備詔出金

符十銀符五授壇以賞將士有功者且賜銀三百錠降
詔獎諭蒙古漢軍之在邊者咸聽節制壇復揚言宋呂
文德合淮南兵七萬五千來攻漣水且規築堡以臨我
及得賈似道呂文德書辭甚悖傲知朝廷近有內顧之
憂必將肆志於我乞選將益兵臣當帥先渡淮以雪慢
書之辱執政得奏諭以朝廷方通和議邊將惟當固封
圍且南人用間其詐非一彼既不至毋或妄動壇乃上
言臣所領益都土曠人稀自立海州今八載將士未嘗

釋甲轉輓未嘗息肩民力凋耗莫甚斯時以一路之兵
抗一敵國衆寡不侔人所共患賴陛下神武旣克連海
二州復破夏貴孫虎臣十餘萬之師然臣豈敢恃此必
敵人之不再至哉且宋人今日西無掣肘宜得并力而
東若以水陸綴漣而遣舟師遵海以北擣膠萊之虛然
後帥步騎直指沂莒滕嶧則山東非我有矣豈可易視
而不為備哉臣昨追敵至淮安非不能乘勝取揚楚徒
以執政止臣故臣不敢深入若以棗陽唐鄧陳蔡諸軍

攻荆山取壽泗以毫宿徐邳諸軍合臣所統兵攻揚楚
則兩淮可定兩淮既定則選兵以取江南自守以寬民
力將無施不可此上策也因上將校馮泰等功第狀詔
以益都官銀分賞之二年正月璵言於行中書省以宋
人聚兵糧數十萬列艦萬三千艘於許浦以侵內郡而
宜撫司轉輸不繼恐一日水陸道絕緩急莫報請選精
騎倍道來援表裏協攻乘機深入江淮可圖也旣而來
獻漣水提詔復獎諭仍給金符十七銀符二十九增賜

將士庚寅璦輒發兵修益都城塹且報宋人來攻漣水
詔阿珠哈喇巴圖阿實克布哈等悉兵赴之仍諭度宜
益兵赴調璦遂請節制諸道所集兵馬且請給兵器中
書議與矢三萬詔給矢十萬三年二月又以宋賈似道
誘總管張元張進等書來上蓋璦專制山東者三十餘
年其前後所奏凡數十事皆恫疑虛喝挾敵國以要朝
廷而自為完繕益兵計其謀深矣初以其子彥簡質於
朝而僭為私驛自益都至京師質子營至是彥簡遂用

私驛逃歸瓊遂反以連海三城獻於宋殲蒙古戍兵引
麾下具舟艦還攻益都甲午入之發府庫以犒其黨遂
寇蒲臺陷淄州民聞瓊反皆入保城郭或奔竄山谷由
是益都至臨淄數百里寂無人聲癸卯帝聞瓊反詔暴
其罪甲辰命諸軍討瓊已酉以瓊故戮中書平章王文
統壬子瓊盜據濟南癸酉命史樞阿珠帥師赴濟南瓊
帥衆出掠輜重將及城官軍邀擊大敗之斬首四千級
瓊退保濟南五月庚申築環城圍之甲戌圍合瓊自是

不得復出猶日夜拒守取城中子女賞將士以悅其心
且分軍就食民家發其蓋藏以繼不足則家賦之鹽令
以人為食至是人情潰散羶不能制各什伯相結縋城
以出羶知城且破乃手刃愛妾乘舟入大明湖自投水
中水淺不得死為官軍所獲縛至諸王哈必齊帳前丞相
史天澤言宜即誅之以安人心遂與蒙古軍官囊嘉特
并誅焉

王文統字以道益都人也少時讀權謀書好以言撼人

遍于諸侯無所遇乃往見李璫璫與語大喜即留置幕
府命其子彥簡師事之文統亦以女妻璫由是軍旅之
事咸與諮決歲上邊功虛張敵勢以固其位用官物樹
私恩取宋漣海二郡皆文統謀也世祖在潛藩訪問才
智之士素聞其名及即位厲精求治有以文統為薦者
亟召用之乃立中書省以總內外百官之政首擢文統
為平章政事委以更張庶務建元為中統詔諭天下立
十路宣撫司示以條格欲差發辦而民不擾鹽課不失

常額交鈔無致阻滯尋詔行中書省造中統元寶交鈔
立互市於潁州漣水光化軍是年冬初行中統交鈔自
十文至二貫文凡十等不限年月諸路通行稅賦並聽
收受明年二月世祖在開平召行中書省事瑪穆特與
文統率各路宣撫使俱赴闕世祖自去秋親征叛王額
呼布格於北方凡民間差發宣課鹽鐵等事一委文統
等裁處及振旅還宮未知其可否何若且以往者急於
用兵事多不暇講究所當振其紀綱者宜在今日故召

文統等至責以成效用游顯鄭鼎趙良弼董文炳等為各路宣撫司復以所議條格詔諭各路俾遵行之未幾又詔諭宣撫司并達魯噶齊管民官課稅所官申嚴私鹽酒醋麪貨等禁文統為人忌刻初立中書時張文謙為左丞文謙素以安國利民自負故凡講論建明輒相可否文統積不能平思有以陷之文謙竟以本職行大名等路宣撫司事而去時姚樞竇默許衡皆世祖所敬信者文統諷世祖授樞為太子太師默為太子太傅衡

為太子太保外佯尊之實不欲使朝夕備顧問於左右也默嘗與王鶚及樞衡俱侍世祖面詆文統曰此人學術不正必禍天下不可處以相位世祖曰若是則誰可為者默以許衡對世祖不懌而罷鶚嘗請以右丞相史天澤監修國史左丞相耶律鑄監修遼史文統監修金史世祖曰監修階衡俟修史時定之又明年二月李壇反以漣海三城獻於宋先是其子彥簡由京師逃歸壇遣人白之中書及反書聞人多言文統嘗遣子堯與壇

通音耗世祖召文統問之曰汝教瓊為逆積有歲年舉世皆知之朕今問汝所策云何其悉以對文統對曰臣亦忘之容臣悉書以上書畢世祖命讀之其間有曰螻蟻之命苟能存全保為陛下取江南世祖曰汝今日猶欲緩頰於朕耶會瓊遣人持文統三書自洺水至以書示之文統始錯愕駭汗書中有期甲子語世祖曰甲子之期云何文統對曰李瓊久蓄反心以臣居中不敢即發臣欲告陛下縛瓊久矣第緣陛下加兵北方猶未靖

也比至甲子猶可數年臣為是言姑遲其反期耳世祖
曰無多言朕拔汝布衣授之政柄遇汝不薄何負而為
此文統猶枝辭傍說終不自言臣罪當死乃命左右斥
去始出就縛猶召竇默姚樞王鶚僧子聰及張柔等至
示以前書曰汝等謂文統當得何罪文臣皆言人臣無
將將則必誅柔獨疾聲大言曰宜剗世祖又曰汝等同
辭言之諸臣皆曰當死世祖曰渠亦自服朕前矣乃誅
文統子堯并就戮詔諭天下曰人臣無將垂千古之典

訓國制有定懷二心者必誅何期輔弼之僚迺蓄姦邪之志平章政事王文統起由下列擢真台司倚付不為不深待遇不為不厚庶收成效以底丕平焉知李璫之同謀潛使子蕘之通耗邇者獲親書之數幅審其有反狀者累年宜加肆市之誅以著滔天之惡已於今月二十三日將反臣王文統并其子蕘正典刑訖於戲負國恩而謀大逆死有餘辜處相位而被極刑時或未喻咨爾有衆體予至懷然文統雖以反誅而元之立國其規

模法度世謂出於文統之功為多云

阿勒呼木特穆爾默呼大王之裔也初太宗生七子而默呼位第七世祖既定天下大封宗親為王默呼其一也默呼生托和托和生溫都爾溫都爾生圖們至大元年始封陽翟王賜金印螭紐俾鎮北藩圖們傳庫春庫春傳太平太平傳特穆爾齊而阿勒呼木特穆爾襲封會兵起汝潁天下震動帝屢詔宗王以北方兵南討阿勒呼木特穆爾知國事不可為乃乘間擁衆數十萬屯

於穆爾古珠之地而脅宗王以叛且遣使來言於帝曰
祖宗以天下付汝汝何故失其大半盍以國璽授我我
當自為之帝聞神色自若徐曰天命有在汝欲為則為
之於是降詔開諭俾其悔罪阿勒呼木特穆爾不聽乃
遣知樞密院事圖沁特穆爾等擊之至青海起哈喇齊
萬人為軍其人素不習兵一旦驅之使戰既陣兵猶未
接脫其號衣奔阿勒呼木特穆爾軍中圖沁特穆爾軍
遂敗績單騎還上都至正二十一年更命少保知樞密

院事婁章以兵十萬擊之且俾阿勒呼木特穆爾之弟
呼圖克特穆爾從征遂大敗其衆阿勒呼木特穆爾謀
東遁其部將托歡知勢窮乃與宗王囊嘉特伊蘇烏爾
圖華擒阿勒呼木特穆爾獻俘帝命誅之於是加婁章
太傅托歡知遼陽行樞密院事以呼圖克特穆爾襲封
陽翟王而宗王囊嘉特等悉議加封尋又加封婁章和
寧王以鎮北行省丞相知行樞密院事俾鎮北藩云

元史卷二百六

元史卷二百六考證

李壇傳太祖十六年全叛宋舉山東州郡歸附 按傳

誤以是年宋安撫使張琳來降為李全事全之降在

元太祖二十一年圍益都以後傳內憲宗七年調兵

赴行在本紀作八年

阿勒呼木特穆爾傳至正二十一年 二十一年上原

文未書帝號今按順帝紀增

欽定四庫全書

元史卷二百七

明翰林學士亞中大夫知制誥兼修國史宋濂等修

列傳第九十四

逆臣

特克實者當英宗即位初以翰林學士承旨宣徽院使
為太醫院使未逾月特命領中都威衛指揮使明年改
元至治有珍珠燕服之賜三月特授光祿大夫御史大

夫仍金虎符忠翊侍衛親軍都指揮使依前太醫院使
帝嘗御盦頂殿謂特克實曰徽政雖隸太皇太后朕視
之與諸司同凡簿書宜悉令御史檢覈既而又命領左
右阿蘇衛冬十月帝親祀太廟以中書左丞相拜珠為
亞獻官特克實為終獻官明年冬十月江南行臺御史
大夫托克托以疾上請未得旨輒去特克實劾之杖六
十七謫居雲南治書侍御史索諾木特們德爾之子也
改翰林侍講學士特克實奏復其職帝不允十二月特

克實以御史大夫忠翊親軍都指揮使左右阿蘇衛親
軍都指揮使太醫院使兼領廣惠司事英宗嘗謂臺臣
曰朕深居九重臣下奸貪民生疾苦豈能周知故用卿
等為耳目曩者特們德爾貪蠹無厭汝等拱默不言其
人雖死宜籍其家以懲後也又明年三月申命大夫特
克實振舉臺綱詔諭中外既而御史臺請上開言路英
宗曰言路何嘗不開但卿等選人未當爾朕知嚮所劾
者率因宿怨羅織成獄加之以罪遂玷其人終身不得

仲監察御史嘗舉巴爾斯濟蘇可大受未幾以貪墨伏誅若此者言路選人當乎否乎時特們德爾既死罪惡日彰英宗委任拜珠為右丞相振立紀綱修舉廢墜以進賢退不肖為急務特克實以姦黨不安潛蓄異圖秋八月癸亥英宗自上都還駐蹕南坡是夕特克實與知樞密院事額森特穆爾大司農實達爾前中書平章政事齊勤特穆爾前雲南行省平章政事諤勒哲前治書侍御史索諾木特克實之弟宣徽使索諾木典瑞院使

托果齊樞密副使阿薩爾僉書樞密院事章臺衛士圖
們及諸王額特布哈博囉伊魯特穆爾庫魯克布哈烏
魯斯布哈等以特克實所領阿蘇衛兵為外應殺右丞
相拜珠而特克實直犯禁幄手弑英宗於卧所九月四
日晉王即位特克實及其黨皆伏誅

博囉特穆爾達實巴圖爾之子也從父討賊屢立功語
見父傳父既歿博囉特穆爾引兵退駐井陘口至正十
八年正月命博囉特穆爾為河南行省平章政事仍總

領其父元管諸軍三月擊劉福通於衛輝走之進克濮州四月屯兵真定六月自武安由彭城邀截沙劉等軍敗之九月命統諸軍夾攻曹州十月遣參政匡福統苗軍自西門入博囉特穆爾自北門入四門並進克復曹州擒殺偽官武宰相仇知院獲偽印信金牌等物十九年二月過代州收山東潰將孟本周諸軍三月詔博囉特穆爾移兵至大同置大都督兵農司專督屯種以博囉特穆爾領之當月領兵豐州雲內與關先生戰關軍

奔潰時有楊誠者據蔚州六月詔遣平章伊魯布哈樞
密同知巴爾和卓督兵捕之八月圍其城俄有旨命回
兵十一月再命勦捕二十年正月博囉特穆爾追誠至
飛狐縣東關誠棄軍遁降其潰卒回駐大同二月除中
書平章政事三月命討上都程思忠兵次興和思忠奔
潰七月擊敗田豐偽將王士誠於臺州詔領一應達勒
達漢人諸軍便宜行事八月命守石嶺關以北察罕特
穆爾守石嶺關以南九月博囉特穆爾欲得冀寧遣兵

自石嶺關直趨圍其城三日復退屯交城十月詔博羅特穆爾守冀寧遣巴拜殷興祖高托音倍道趨之守者不納察罕特穆爾遣珠珠陳秉直以兵來爭博羅特穆爾部將圖魯卜戰敗之二十一年正月命平章達實特穆爾參政七十往諭解之博羅特穆爾罷兵還鎮九月命博羅特穆爾於保定以東河間以南屯田二十二年二月偽平章左李遣楊榮祖至大同降三月博羅特穆爾遣裨將伊蘇布哈等招兵五萬戍大同陞博羅特穆

爾太尉中書平章位居第一張良弼來受節制李思齊遣兵攻良弼於武功良弼伏兵大破之二十三年十月博囉特穆爾復南侵庫庫特穆爾所守地遂據真定初朝廷既黜御史大夫魯達實安置東勝州帝別遣宦官密諭博囉特穆爾令留軍中而皇太子累遣官索之博囉特穆爾匿不發二十四年正月博囉特穆爾陰使人殺其叔父左丞伊德爾布哈佯為不知往弔不哭朝廷知其跋扈又以匿魯達實事三月辛卯詔罷博囉特穆

爾兵權四川安置博囉特穆爾殺使者拒命遣部將會
圖沁特穆爾提兵犯闕揚言索右丞相吹斯戩資正院
使保布哈二人先是朝廷立衛屯田嘗命中書右丞額
森布哈提督與圖沁特穆爾分院之地相近因擾及其
親里構成嫌隙額森布哈乃譖圖沁特穆爾詆毀朝政
博囉特穆爾與圖沁特穆爾相友善且知其誣遣人白
其非罪皇太子以博囉特穆爾握兵跋扈今乃與圖沁
特穆爾交通又匿不軌之臣遂與丞相吹斯戩議請削

其官分其兵授四川行省丞相察罕布哈領之博囉特
穆爾謂非帝意故不聽命舉兵助圖沁特穆爾四月壬
寅入居庸乙巳至清河列營將犯闕帝遣達勒達國師
曼濟院使問故乃命屏吹斯戢於嶺北竄保布哈於甘
肅實執送與之庚戌圖沁特穆爾自健德門入見帝延
春閣慟哭請罪帝賜宴慰勉詔赦其罪仍以博囉特穆
爾為太保中書平章兼知樞密院事守禦大同以圖沁
特穆爾為中書平章政事辛亥博囉特穆爾還大同皇

太子恚怒不已再徵庫庫特穆爾兵保障京師五月詔庫庫特穆爾總兵調諸道軍分討大同庫庫特穆爾自其父察罕特穆爾在時與博囉特穆爾連年相讐殺朝廷累命官講和二軍已還兵各守其地至是庫庫特穆爾乃大發兵諸道夾攻大同調麾下索珠守護京師兵不滿萬以其部下青軍楊同僉守居庸庫庫特穆爾自將至太原調督諸軍七月博囉特穆爾率兵與圖沁特穆爾魯達實等復犯闕京師震駭丙戌皇太子親統兵

迎於清河丞相伊蘇詹事布噶齊軍於昌平伊蘇軍士
無鬪志青軍楊同僉被殺於居庸布噶齊戰敗走皇太
子亦馳入城丁亥夜索珠脅東宮官僚從太子出奔太
原戊子博囉特穆爾兵至駐健德門外欲追襲皇太子
魯達實力止之三人入見帝宣文閣泣拜訴寃帝亦為
之泣乃賜宴庚寅就命博囉特穆爾太保中書左丞相
魯達實中書平章政事圖沁特穆爾御史大夫部屬將
士布列臺省總攬國柄八月壬寅詔加博囉特穆爾開

府儀同三司上柱國錄軍國重事太保中書右丞相節制天下軍馬數月間誅狎臣圖嚕特穆爾布達幹爾密等罷三宮六院造作汰宦官省錢糧禁西番僧人佛事數遣使請皇太子還朝使至太原拘留不報二十五年皇太子在外日夜謀除內難承制調遣嶺北甘肅遼陽陝西及庫庫特穆爾等軍進討博囉特穆爾博囉特穆爾怒出皇后奇氏於外幽置百日遣圖沁特穆爾討上都附皇太子者調伊蘇南禦庫庫特穆爾軍伊蘇次良

鄉不進而歸永平遣人西連太原東連遼陽軍聲大振
博囉特穆爾患之遣驍將姚巴延布哈統兵出禦至通
州河溢營虹橋以待伊蘇乘不備襲破之擒姚巴延布
哈殺之博囉特穆爾大恐自將出通州三日大雨而還
博囉特穆爾先嘗以自疑殺其將保安既又失姚巴延
布哈鬱鬱不樂乃日與魯達實荒淫無度酗酒殺人喜
怒不測人皆畏忌威順王子和尚受帝密旨與徐士本
結勇士上都瑪勒金諾海拜達勒特古斯布哈哈喇哈

達洪巴拜等陰圖刺之七月乙酉值圖沁特穆爾遣人來告上都之捷博囉特穆爾起入奏行至延春閣李樹下拜達勅自衆中奮出斫博囉特穆爾中其腦上都瑪勒及金諾海等競前斫死魯達實傷額趨出馳馬至家擁博囉特穆爾母妻及其子添寶努北遁有旨令民間盡殺其部黨明日遣使誣博囉特穆爾首級往太原詔皇太子還朝諸道兵聞詔罷歸九月皇太子朝京師十二月獲圖沁特穆爾魯達實皆伏誅

元史卷二百七

元史卷二百七考證

特克實傳特們德爾 原文作鐵木迭兒此又作鐵失

迭兒今畫一改

又明年三月中命特克實振舉臺綱 按英宗紀在至

治三年正月

博囉特穆爾傳至正十八年正月 據本紀加至正二

字

欽定四庫全書

史部
元史卷二百八十五

檢討臣翁樹培覆勘

總校官編修臣朱鈴

欽定四庫全書

元史卷一百八

明翰林學士亞中大夫知制誥兼修國史宋濂等修

外夷傳第八十五

高麗

高麗本箕子所封之地扶餘別種嘗居之其地東至新羅南至百濟皆跨大海西北渡遼水接營州而靺鞨在其北其國都曰平壤城即漢樂浪郡水有出靺鞨之白

山者號鴨綠江而平壤在其東南因恃以為險後闢地
益廣并古新羅百濟高句麗三國而為一其主姓高氏
自初立國至唐乾封初而國亡垂拱以來子孫復封其
地後稍能自立至五代時代主其國遷都松岳者姓王
氏名建自建至肅凡二十七王歷四百餘年未始易姓
入元太祖十一年契丹人金山元帥祿格等領衆九萬
餘竄入其國十二年九月攻拔江東城據之十三年帝
遣哈齊濟扎拉等領兵征之國人洪大宣詣軍中降與

哈齋濟等同攻圍之高麗王瞰親奉牛酒出迎王師且遣其樞密院使吏部尚書上將軍翰林學士承旨趙沖共討滅祿格扎拉與沖約為兄弟沖請歲輸貢賦扎拉曰爾國道遠難於往來每歲可遣使十人入貢十二月扎拉移文取兵糧送米一千斛十四年正月遣其權知閣門祇候尹公就中書注書崔逸以結和牒文送扎拉行營扎拉遣使報之高麗王以其侍御史朴時允為接伴使迎之帝又遣博囉岱持詔往諭高麗王瞰迎拜設

宴九月皇太弟國王及元帥赫辰副元帥扎拉等各以書遣宣差使趣青托果斯等十人來其入貢尋以方物等進十五年九月大頭領官堪恭古扎古雅等復以皇太弟國王書趣之仍進方物十六年七月有旨諭以伐女直事始奉表陳賀八月扎古雅使其國十月舒蘇布哈等繼使焉十七年十月詔遣扎古雅等十二人至其國察其納款之實十八年八月遣沙卜珠丹等十二人復以皇太弟國王書趣其貢獻十九年二月扎古雅等復

使其國十二月又使焉盜殺之于途自是連七歲絕信
使矣太宗三年八月命薩里台征其國國人洪福源迎
降于軍得福源所率編民千五百戶旁近州郡亦有來
歸者薩里台即與福源攻未附州郡又使河爾圖與福源
抵王京招其主王瞰瞰遣其弟懷安公王佖請和許之置
京府州縣達嚕噶齊七十二人監之遂班師十一月元
帥布達德矩唐古等領兵至其王京瞰遣使奉牛酒迎
之十二月一日復遣使勞元帥于行營明日其使人與

元帥所遣人四十餘輩入王城付文牒又明日瞰遣王
佖等詣薩里台屯所犒師四年正月帝遣使以璽書諭
瞰三月瞰遣中郎將池義源錄事洪巨源金謙等賁國
驢牒文送薩里台屯所四月瞰遣其將軍趙叔章御史
薛慎等奉表入朝五月復下詔諭之六月瞰盡殺朝廷
所置達嚕噶齊七十二人以叛逆率王京及諸州縣民
竄海島洪福源集餘民保聚以俟大兵八月復遣薩里
台領兵討之至王京南攻其處仁城中流矢卒別將特

爾格以軍還其已降之人令福源領之十月曠遣將軍
金寶鼎郎中趙瑞章上表陳情五年四月詔諭曠悔過
來朝且數其五罪自平契丹賊殺扎拉之後未嘗遣一
介赴闕罪一也命使賞訓言省諭輒敢射回罪二也爾
等謀害扎古雅乃稱萬努民戶殺之罪三也命汝進軍
仍令汝躬入朝爾乃抗拒竄諸海島罪四也汝等民戶
不拘集見數輒敢妄奏罪五也十月曠復遣兵攻陷已
附西京等處降民劫洪福源家六年福源復請領其降

民遷居東京賜佩金符七年命唐古與洪福源領兵征之九年拔其龍岡咸從等十餘城十年五月其國人趙玄習李元祐等率二千人迎降命居東京受洪福源節制且賜御前銀符使玄習等佩之以招未降民戶又李君式等十二人來降待之如玄習焉十二月瞰遣其將軍金寶鼎御史宋彥琦等奉表入朝十一年五月詔徵瞰入朝瞰以母喪辭六月乃遣其禮賓卿盧演禮賓少卿金謙充進奉使副奉表入朝十月有旨諭瞰徵其親

朝於明年十二月瞰遣其新安公王佺與寶鼎彥琦等
百四十八人奉表入貢十二年三月又遣其右諫議大
夫趙修閤門祗候金成寶等奉表入貢五月復下詔諭
之十二月瞰遣其禮賓少卿宋彥琦侍御史權驥充行
李使入貢是歲攻拔昌朔等州十三年秋瞰以族子縉為
己子入質當定宗憲宗之世歲貢不入故自定宗二
年至憲宗八年凡四命將征之共拔其城十有四憲宗
末瞰遣其世子偁入朝世祖中統元年三月瞰卒命偁

歸國為高麗國王以兵衛送之仍赦其境內制曰我太祖王帝肇開大業聖聖相承代有鴻勲芟夷羣雄奄有四海未嘗專嗜殺也凡屬國列侯分茅錫土傳祚子孫者不啻萬里孰非向之勅敵哉觀乎此則祖宗之法不待言而章章矣今也普天之下未臣服者惟爾國與宋耳宋所恃者長江而長江失險所藉者川廣而川廣不支邊戍自撤其藩籬大軍已駐乎心腹鼎魚幕燕亡在旦夕爾初世子奉幣納款束身歸朝舍哀請命良可矜

憫故遣歸國完復舊疆安爾田疇保爾室家弘好生之
大德捐宿構之細故也用是已嘗戒敕邊將斂兵待命
東方既定則將迴戈於錢塘迨餘半載乃知爾國內亂
渝盟邊將復請戒嚴此何故也以謂果內亂耶權臣何
不自立而立世孫以謂傳聞之誤耶世子何不之國而
盤桓於境上也豈以世子之歸愆期而左右自相猜疑
私憂過計而然耶重念島嶼殘民久罹塗炭窮兵極討
殆非本心且御失其道則天下狙詐咸作敵推赤心置

人腹中則反側之輩自安矣悠悠之言又何足校申命
邊閭斷自予衷無以逋逃間執政無以飛語亂定盟惟
事推誠一切勿問宜施曠蕩之恩一新遐邇之化自尚
書金仁雋以次中外枝黨官吏軍民聖旨到日已前或
有首謀內亂旅拒王師已降附而還叛因仇讐而擅殺
無所歸而背主亡命不得已而隨衆脅從應據國人但
會犯法罪無輕重咸赦除之世子其趣裝命駕歸國知
政解仇釋憾布德施恩緬惟瘡痍之民正在撫綏之日

出彼滄溟宅於平壤賣刀劍而買牛犢捨干戈而操耒
耜凡可援濟毋憚勤勞苟富庶之有徵冀禮義之可復
亟正疆界以定民心我師不復踰限矣大號一出朕不
食言復有敢踵亂犯上者非干爾主乃亂我典刑國有
常憲人得誅之於戲世子其王矣往欽哉恭丞丕訓永
為東藩以揚我休命四月復降旨諭俛曰朕祇若天命
獲承祖宗休烈仰惟覆燾一視同仁無遐邇小大之間
也以爾歸欵既冊為王還國今得爾與邊將之書因知

其上下之情朕甚憫焉俛求出水就陸免軍馬侵擾還
被虜及逃民皆從之詔班師乃赦其境內六月俛遣其
子承安公僖判司宰事韓即入賀即位以國王封冊王
印及虎符賜之是月又下詔撫諭之二年三月遣使入
貢四月俛入朝六月俛更名植遣世子愷奉表以聞八
月賜植玉帶一遣侍衛將軍布爾克察禮部郎中高逸
民護愷還國九月植遣其侍御史張鎰奉表入謝十月
月帝遣額特默色焦天翼持詔諭以開權塲事三年正

月罷互市諸王塔齊爾請置鍊冶從之請立互市不從
賜植歷後歲以為常植遣使入謝優詔荅之四月植遣
其左諫議大夫朴倫郎將辛洪成等奉表入朝六月遣
使入貢八月朴倫等還賜西錦三段間金熟綾六段十
月詔諭植籍編民出師旅輸糧餉助軍儲是月植遣使
入貢四年二月以植不荅詔書詰其使者植表乞俟民
生稍集然後惟命帝以其辭意懇實允之朝貢物數亦
命稱其力焉自三月至于六月植凡三遣使入貢賜植

羊五百十一月植以免置驛籍民等事遣其翰林學士
韓就奉表入謝五年正月丁丑朔植遣使奉表入賀諭
還使令植親朝京師四月以西北諸王率衆款附擬今
歲朝王公羣牧于上都又遣必且齊古伊特徵植入朝
修世見之禮五月植遣其借國子祭酒張鑑從古伊特
入見六月乃親朝九月帝以改中統五年為至元元年
遣郎中路得成持赦令與植郎將康允珪頒其國十月
植入朝十二月遣植還國是年春植使入貢物自是終

世祖三十一年其國入貢凡三十有六至元三年二月立瀋州以處高麗降民帝欲通好日本以高麗與日本鄰國可為鄉導八月遣國信使兵部侍郎赫德禮部侍郎殷弘計議官伯德孝先等使日本先至高麗諭旨十二月植遣樞密院副使宋君斐借禮部侍郎金贊等導詔使赫德殷弘等往日本不至而還四年正月植遣君斐等奉表從赫德等入朝六月帝以植飾辭令去使徒復遣赫德與君斐等以詔諭植委以日本之事以必得

其要領為期九月植遣其起居舍人潘阜書狀官李挺
充國信使持書詣日本五年正月植遣其弟湄入朝帝
以植見欺於湄面數其事切責之特遣北京總管兼大興
府伊于約蘇圖禮部郎中孟甲持詔諭植其畧曰向請
撤兵則已撤之矣三年當去水就陸而前言無徵也又
太祖法制凡內屬之國納質助軍輸糧設驛編戶籍置
長官已嘗明諭之而稽延至今終無成言在太祖時王
縛等已入質驛傳亦粗立餘率未奉行今將問罪於宋

其所助士卒舟艦幾何輸糧則就為儲積至若設官及戶版事其意謂何故以問之三月于約蘇圖等至其國四月植遣其門下侍郎李藏用奉表與于約蘇圖等入朝五月帝敕藏用曰往諭爾主速以軍數實奏將遣人督之今出軍爾等必疑將出何地或欲南宋或欲日本爾主當造舟一千艘能涉大海可載四千石者藏用曰舟艦之事即當應命但人民殘少恐不及期往者臣國有軍四萬三十餘年間死於兵疫今止有牌子頭五十

戶百戶千戶之類虛名而無軍卒帝曰死者有之生者亦有之藏用曰賴聖德自撤兵以來有生長者僅十歲耳帝又曰自爾來者言海中之事於宋得便風可三日而至日本則朝發而夕至舟中載米海中捕魚而食之則豈不可行乎又敕藏用曰歸可以此言論爾主七月詔都統領多托爾武德將軍統領王國昌武畧將軍副統領劉傑等使其國與其來朝者大將軍崔東秀偕行八月至其國植出昇天府迎之蓋諭以閱軍造船也

九月以植表奏潘阜等奉使無功而還復遣赫德等使
日本詔植遣重臣導送十二月植遣其知門下省事申
思全禮部侍郎陳并起居舍人潘阜等從國信使赫德
等赴日本偕禮部侍郎張鎰奉表從多托爾入朝六年
正月植遣其大將軍康允瑄奉表奏誅權臣金俊等三
月植復遣申思全奉表從赫德入朝六月植遣其世子
堪入朝賜植玉帶一堪金五十兩從官銀幣有差七月
詔明威將軍都統領多托爾武德將軍統領王國昌武

畧將軍都統領劉傑相視耽羅等處道路詔植選官引
達以人言耽羅海道往南宋日本甚易故也八月世子
愷入朝奏本國臣下擅廢植立其弟安慶公渴詔臺臣
鄂爾多斯布哈李諤等至其國詳問之九月其樞密院
副使金方慶奉表從鄂爾多斯布哈等入朝樞密院御
史臺奏世子愷言朝廷若出征能辦軍三千備糧五月
如官軍入境臣宜同往庶不驚擾帝然之詔授世子愷
特進上柱國敕愷率兵三千赴其國難命招布哈往征

其國以病不果行詔遣孟格圖代之十月帝以植渥廢
置乃林衍所為遣中憲大夫兵部侍郎赫德渥萊路總
管府判官徐世雄詔植渥衍等以十二月同詣闕下面
陳情實審聽其是非又遣國王特訥克等率兵壓境如
踰期不至即當窮治首惡進兵勦戮命趙璧行中書省
於東京仍詔諭高麗國軍民十一月高麗都統領崔坦
等以林衍作亂挈西京五十餘城入附遣斷事官巴圖
罕馳驛於王緯洪茶邱所管實科差戶內僉軍至東京

付樞密院得三千三百人高麗西京都統李延齡乞益
兵遣孟格圖率兵二千赴之樞密院臣議征高麗事初
馬亨以為高麗者本箕子所封之地漢晉皆為郡縣今
雖來朝其心難測莫若嚴兵假道以取日本為名乘勢
可襲其國定為郡縣亨又言今既有釁端不宜遣兵伐
之萬一不勝上損國威下損士卒彼或上表言情宜赦
其罪戾減其貢獻以安撫其民庶幾感慕聖化俟南
宋已平彼有他志回兵誅之亦未晚也前樞密院經歷

馬希驥亦言今之高麗乃古新羅百濟高句麗三國併而為一大抵藩鎮權分則易制諸侯強盛則難臣驗彼州城軍民多寡離而為二分治其國使權倖勢等自相維制則徐議良圖亦易為區處耳赫德等至其國禩受詔復位遣借禮部侍郎朴杰從赫德等奉表入朝十二月乃親朝京師七年正月遣使言比奉詔臣已復位令從七百人入覲詔令從四百人來餘留之西京詔西京內屬改東寧府畫慈悲嶺為界以孟格圖為安撫使佩

虎符率兵戍其西境詔諭其國僚屬軍民以討林衍之
故其略曰朕即位以來憫爾國久罹兵亂冊定爾主撤
還兵戍十年之間其所以撫護安全者靡所不至不圖
逆臣林衍自作弗靖擅廢易國王植脅立安慶公渴詔
令赴闕復稽延不出豈可釋而不誅已遣行省率兵東
下惟林衍一身是討其安慶公渴本非得已在所寬宥
自餘脅從誑誤一無所問二月遣軍送植就國詔諭高
麗國官吏軍民曰朕惟臣之事君有死無二不意爾國

權臣輒敢擅廢國主彼既驅率兵衆將致爾衆危擾不安以汝黎庶之故特遣兵護送國王植還國莫居舊京命達嚕噶齊同往鎮撫以靖爾邦惟爾東土之人不知為汝之故必生疑懼爾衆咸當無畏按堵如故已別敕將帥嚴戒兵士勿令侵犯汝或妄動汝妻子及汝身當致得畧宜審思之初有旨令特訥克行省駐西京而以孟格圖趙良弼充安撫使與植俱入其京尋復令行省入其王京而以托克岱爾充其國達嚕噶齊罷安撫

司四月東京行尚書省軍近西京遣齊齊克圖等同植
之臣鄭子璵等持省劄召高麗令公林衍使還言衍已
死子惟茂襲令公位其國侍郎洪文係尚書宋宗禮殺
惟茂及衍壻崔宗瑫惟茂弟惟裊自剄衍黨裴仲孫等
復集餘衆立植庶族承化侯為王竄入珍島大軍次王
京西關城遣人收繫林衍妻子行省與植議遷江華島
居民於王京仍宣詔撫綏之植弗從至入居其舊京始
從行省之議六月植遣人報有朝廷逃軍與承化侯者

以三別抄軍叛世子愷復言叛兵據江華島宜率軍水
陸進擊之植復報叛兵悉遁去世子愷言叛兵劫府庫
燒圖籍逃入海中行省使人覘江華島中百姓皆空島
之東南相距約四十里叛兵乘船候風勢欲遁於是即
命納延率衆追擊之七月丞相安圖等言特納克等遣
大托克孟古岱來言令阿哈領軍一千五百屯王京覘
其國中遂以阿哈為安撫使十一月中書省臣言於高
麗設置屯田經畧司以實都史樞為鳳州等處經畧使

佩虎符領軍五千屯田於金州又令洪茶丘以舊領民二千屯田阿拉克特穆爾為副經畧司總轄之罷阿哈軍閏十一月世子懋還詔諭植以其陪臣元傳等妄奏特訥克國王為頭行省官員數事及其國私與南宋日本交通又往年所言括兵造船至今未有成效且謂自此以往或先有事南宋或先有事日本兵馬船艦資糧早宜措置是月又詔植曰嚮嘗遣信使通問日本不謂執迷固難以善言開諭此卿所知將經畧於彼敕有

司發卒屯田為進取之計庶免爾國他日轉輸之勞仍遣使持書先示招懷卿其悉心盡慮裨贊方畧期於有成以稱朕意初林衍之變百姓驚擾至是下詔撫慰之十二月詔諭植送使通好日本曰朕惟日本自昔通好中國實相密邇故嘗詔卿導達去使講信修睦為其疆吏所梗竟不獲明諭朕心後以林衍之亂故不暇及今既輯寧爾家遣少中大夫秘書監趙良弼充國信使期於必達仍以浩爾齊王國昌洪茶丘將兵送抵海上比

國信使還姑令金州等處屯駐所需糧餉卿專委官赴彼逐近供給并鳩集金州旁左船艦於金州需待無致稽緩匱乏八年正月植遣其樞密使金鍊奉表入見請給婚安撫使阿哈畧地珍島與逆黨過多所以失中書省臣言諜知珍島餘糧將竭宜亟攻之詔不許二月命呼圖克岱爾持詔諭裴仲孫三月仲孫乞諸軍退屯然後內附實都未從其請有詔諭之四月實都言仲孫稽留詔使貢固不服乞與浩爾齊王國昌分道進討從之

以討珍島諭植五月實都與史樞洪茶丘大敗珍島賊
獲承化侯斬之其黨金通精走耽羅七月植遣其上將
軍鄭子璵奉表謝平珍島世子慙率其尚書右丞宋玠
軍器監薛公儉等衣冠肩胄二十八人入侍八月浩爾
齊赴鎮邊合浦縣屯所九月植遣其通事別將徐稱導
送宣撫趙良弼使日本帝遣慙還國十一月植遣其同
樞密院事李昌慶奉表謝許婚事九年正月植遣其別
將白琚偕張鐸等十二人奉表入見世子慙以其國尚書

右丞相宋玠玠父上將軍宗禮討林惟茂狀言其功于中書省遣郎中布哈馬璘使高麗諭以供戰船輸軍糧事
二月植致書日本使通好于朝六月遣西京屬城諸達
噶噶齊及質子金鎰等歸國十年正月植遣其世子悒
入朝四月經畧使實都同洪茶丘領兵入海攻拔耽羅
城禽金通精等奉詔誅之六月植遣其大將軍金忻表
奏攻破濟州九月植屢言小國地狹比歲荒歉其生券
軍乞駐東京詔令營北京界仍敕東京路運米二萬石

賑之達嚙嚙齊焦天翼還朝十一年正月己卯朔宮闕告成帝始御正殿受皇太子諸王百官朝賀植遣其少卿李義孫等入賀三月遣穆蘇達巴薩木哈特詔使高麗僉軍五千六百人助征日本五月皇女呼圖克庫哩頁額實下嫁于世子愷七月其樞密院副使奇蘊奉表告王植薨命世子愷襲爵詔諭高麗王宗族及大小官員百姓人等其畧曰國王王植存日屢言世子愷可為繼嗣今令愷襲爵為王凡在所屬並聽節制八月世子

惓還至其國襲位九月遣其齊安侯王淑上表謝十一月皇女入高麗城惓復遣其判閭門事李信孫等奉表入謝十二月以赫德為高麗達嚕噶齊李益受代還十二年七月赫德還朝十一月遣使諭惓改官職名號惓遣其帶方侯王澈率衣冠子弟二十人入侍以舒穆嚕天衢充副達嚕噶齊十三年七月惓遣僉議中贊金方慶奉表賀平宋十一月惓遣其判秘書寺事朱悅奉表奏改名曠十四年正月金方慶等為亂命曠治之仍命

實都洪茶丘飭兵禦備十五年正月睦以達嚕噶齊舒
穆嚕天衛秩滿未代請復留三年從之東征元帥府上
言高麗侍中金方慶與其子愷愼恂壻趙卞等陰養死
士四百人匿鎧仗器械造戰艦積糧餉欲謀作亂捕方
慶等按驗得實已流諸海島然高麗初附民心未安可
發征日本還卒二千七百人置長吏屯忠清全羅諸處
鎮撫外夷以安其民復令士卒備牛畜耒耜為來歲屯
田之計七月改鑄駙馬高麗王印賜晡十六年正月敕

其國置大庾艾州東京柳石亭落四驛十七年五月
以民饑乞貸糧萬石從之七月以其國初置驛站民乏
食命給糧一歲仍禁使臣往來勿求索飲食十月加
開府儀同三司中書左丞相行中書省事十八年二月
言本國必且齊不諳行移文字請除郎中員外各一
員以為參佐又請易宣命職銜增駙馬字從之六月
言本國置驛四十民畜凋弊勅併為二十站仍給馬
價八百錠八月陞其僉議府為從三品十一月金州等

處置鎮邊萬戶府以控制日本十九年正月晡以日本
寇其邊海郡邑燒居室掠子女而去請發實喇特穆爾
麾下蒙古軍五百人戍金州又從之二十年五月立征
東行中書省以高麗國王與安塔哈共事二十八年五
月以晡子諫為世子授特進上柱國賜銀印十月以其
國饑給以米二十萬斛三十年二月晡遣使入奏復更
名晡及乞功臣號制曰特進上柱國開府儀同三司征
東行中書省左丞相駙馬高麗王晡世守王爵選尚我

家載旌藩屏之功宜示褒嘉之寵可賜號推忠宣力定
遠功臣餘如故益懋厥勲對揚休命十一月昨入朝成
宗元貞二年七月陞其僉議司為二品大德元年十一
月封昨為逸壽王以世子諡為高麗王從所請也二年
七月中書省臣奏諫有罪當廢以其父昨為王三年正
月昨遣使入貢丞相諤勒哲等言世祖時或言高麗僭
設省院臺有旨罷之其國遂改立僉議府密直司監察
司今諫加其臣趙仁規司徒司空侍中之職又昨給仁

規赦九死獎諭文書又擅寫皇朝帝系及自造歷加其
女為令妃又立資政院以崔冲紹為興祿大夫又嘗奉
太后旨公主與諫兩位下集賽台合併為一諫不奉旨
諫又擅殺千戶金呂而以其金符給宦者珠格爾又仁
規進女侍諫有巫蠱事今乞將仁規冲紹發付京兆鞫
昌兩路安置不得他適昨行事不法諫年少妄殺無辜
乞降詔戒飭帝命杖仁規冲紹而遣之二月詔諭昨并
闔境臣民自今以始勉遵守國之規益謹畏天之戒凡

在官者各勤乃事協力匡贊毋蹈前非自干刑憲緇黃
士庶各安其業五月哈克繖使高麗還言昨不能服其
衆朝廷宜遣官理之遂復立征東行省命奇爾濟蘇為
高麗行省平章政事九月昨遣使入貢以朝廷增置行
省上表陳情其畧言累世有勤王之功凡八十餘年歲
修職貢嘗以世子入侍得聯婚帝室遂為甥舅實感至
恩使小國不替祖風永修侯職是所望也四年二月征
東行省平章奇爾濟蘇言高麗國王自署官府三百五

十八所官四千十五員衣食皆取之民復苛征之又
其大會王曲蓋龍宸警蹕諸臣舞蹈之呼一時朝儀僭
擬過甚遣山東宣慰使塔齊爾刑部尚書王泰亨賫詔
諭之使釐正以聞三月奇爾濟蘇復上言僉議司官不
肯供報民戶版籍州縣疆界本國橫科暴斂民少官多
刑罰不一若止依本俗行事實難撫治五年二月為詎
罷行省官有詔諭詎秋七月詎上表言昔居海島時嘗
用山呼後改呼千秋今既奉明詔一切皆罷又革官府

九十餘所汰官吏二百七十餘員他如雜徭病民驛騎煩擾驛傳者亦皆省之詔曰卿其諭朕意所言當始終行之或有不然寧不羞懼昨自大德二年復位八年而薨子諤復襲王位成宗初年尚布達實哩公主十一年進爵瀋陽王繼襲位高麗國王生子燾燾受遜位以仁宗皇慶二年四月封高麗國王是年其弟暉立為世子以其父瀋陽王請於朝故也自暉傳其子植植傳其子昨昨傳其子諤諤傳其子燾燾傳其弟暉植初名煥昨

初名堪又名瞻後乃名矩諫則更名章云

耽羅

耽羅高麗與國也世祖既臣服高麗以耽羅為南宋日本衝要亦注意焉至元六年七月遣明威將軍都統領多托爾武德將軍統領王國昌武畧將軍副統領劉傑往視耽羅等處道路詔高麗國王王植選官導送時高麗叛賊林衍者有餘黨金通精遁入耽羅九年中書省臣及樞密院臣議曰若先有事日本未見其逆順之情

恐有後辭可先平耽羅然後觀日本從否徐議其事且耽羅國王嘗來朝覲今叛賊逐其主據其城以亂舉兵討之義所先也十年正月命經畧使實都史樞及洪茶丘等率兵船大小百有八艘討耽羅賊黨六月平之於其地立耽羅國招討司屯鎮邊軍千七百人其貢賦歲進毛施布百匹招討司後改為軍民都達嚕噶齊總管府又改為軍民安撫司三十一年高麗王上言耽羅之地自祖宗以來臣屬其國林衍逆黨既平之後尹邦寶

充招討副使以計求徑隸朝廷乞仍舊帝曰此小事可使還屬高麗自是遂復隸高麗

日本

日本國在東海之東古稱倭奴國或云惡其舊名故改名日本以其國近日所出也其土疆所至與國王世系及物產風俗見宋史本傳日本為國去中土殊遠又隔大海自後漢歷魏晉宋隋皆來貢唐永徽顯慶長安開元天寶上元貞元元和開成中並遣使入朝宋雍熙元

年日本僧裔然與其徒五六人浮海而至奉職貢并獻銅器十餘事裔然善隸書不通華言問其風土但書以對云其國中有五經書及佛經白居易集七十卷裔然還後以國人來者曰滕木吉以僧來者曰寂照寂照識文字繕寫甚妙至熙寧以後連貢方物其來者皆僧也元世祖之至元二年以高麗人趙彞等言日本國可通擇可奉使者三年八月命兵部侍郎赫德給虎符充國信使禮部侍郎殷弘給金符充國信副使持國書使曰

本書曰大蒙古國皇帝奉書日本國王朕惟自古小國
之君境土相接尚務講信修睦況我祖宗受天明命奄
有區夏遐方異域畏威懷德者不可悉數朕即位之初
以高麗無辜之民久瘁鋒鏑即令罷兵還其疆域反其
旌倪高麗君臣感戴來朝義雖君臣歡若父子計王之
君臣亦已知之高麗朕之東藩也日本密邇高麗開國
以來亦時通中國至於朕躬而無一乘之使以通和好
尚恐王國知之未審故特遣使持書布告朕志冀自今

以往通問結好以相親睦且聖人以四海為家不相通
好豈一家之理哉以至用兵夫孰所好王其圖之赫德
等道由高麗高麗國王王植以帝命遣其樞密院副使
宋君斐借禮部侍郎金贊等導詔使赫德等往日本不
至還四年六月帝謂王植以辭為解令去使徒還復又
遣赫德等至高麗諭植委以日本事以必得其要領為
期植以為海道險阻不可辱天使九月遣其起居舍人
潘阜等持書往日本留六月亦不得其要領而歸五年

九月命赫德弘復持書往至對馬島日本人拒而不納
執其塔二郎彌二郎二人而還六年六月命高麗金有
成送還執者俾中書省牒其國亦不報有成留其太宰
府守護所者久之十二月又命秘書監趙良弼往使書
曰蓋聞王者無外高麗與朕既為一家王國實為隣境
故嘗馳信使修好為疆場之吏抑而弗通所獲二人敕
有司慰撫俾賫牒以還遂復寂無所聞繼欲通問屬高
麗權臣林衍構亂坐是弗果宣王亦因此輟不遣使或

已遣而中路梗塞皆不可知不然日本素號知禮之國王之君臣寧肯漫為弗思之事乎近已滅林衍復舊王位安集其民特命少中大夫秘書監趙良弼充國信使持書以往如即發使與之偕來親仁善鄰國之美事其或猶豫以至用兵夫誰所樂為也王其審圖之良弼將往乞定與其王相見之儀廷議與其國上下之分未定無禮數可言帝從之七年十二月詔諭高麗王植送國信使趙良弼通好日本期於必達仍以浩爾齊王國昌

洪茶丘將兵送抵海上比國信使還姑令金州等處屯
駐八年六月日本通事曹介升等上言高麗迂路導引
國使外有捷徑倘得便風半日可到若使臣去則不敢
同往若大軍進征則願為鄉導帝曰如此則當思之九
月高麗王植遣其通事別將徐稱導送良弼使日本曰
本始遣彌四郎者八朝帝宴勞遣之九年二月樞密院
臣言奉使日本趙良弼遣書狀官張鐸來言去歲九月
與日本國人彌四郎至太宰府西守護所守者云曩為

高麗所給屢言上國來伐豈期皇帝好生惡殺先遣行人下示璽書然王京去此尚遠願先遣人從奉使回報良弼乃遣鐸同其使二十六人至京師求見帝疑其國主使之來云守護所者詐也詔翰林承旨和爾果斯以問姚樞許衡等皆對曰誠如聖算彼懼我加兵故發此輩伺吾強弱耳宜示之寬仁且不宜聽其入見從之是月高麗王植致書日本五月又以書往令必通好大朝皆不報十年六月趙良弼復使日本至太宰府而還十

一年三月命鳳州經畧使實都高麗軍民總管洪茶丘以千料舟巴圖魯輕疾舟汲水小舟各三百共九百艘載士卒一萬五千期以七月征日本冬十月入其國敗之而官軍不整又矢盡惟虜掠四境而歸十二年二月遣禮部侍郎杜世忠兵部侍郎何文著計議官蘇都爾丹往使復致書亦不報十四年日本遣商人持金來易銅錢許之十七年二月日本殺國使杜世忠等征東元帥實都洪茶丘請自率兵往討廷議姑少緩之五月召

范文虎議征日本八月詔募征日本士卒十八年正月
命日本行省右丞相阿魯罕右丞范文虎及實都洪茶
丘等率十萬人征日本二月諸將陞辭帝敕曰始因彼
國使來故朝廷亦遣使往彼遂留我使不還故使卿輩
為此行朕聞漢人言取人家國欲得百姓土地若盡殺
百姓徒得地何用又有一事朕實憂之恐卿輩不和耳
假若彼國人至與卿輩有所議當同心協謀如出一口
答之五月日本行省參議裴國佐等言本省右丞相阿

嘸罕范右丞李左丞先與實都茶丘入朝時同院官議
定領州師至高麗金州與實都茶丘軍會然後入征日
本又為風水不便再議定會於一歧島今年三月有日
本船為風水漂至者令其水工畫地圖因見近太宰府
西有平壺島者周圍皆水可屯軍船此島非其所防若
徑往據此島使人乘船往一歧呼實都茶丘來會進討
為利帝曰此間不悉彼中事宜阿嘸罕輩必知令其自
處之六月阿嘸罕以病不能行命安塔哈代總軍事入

月諸將未見敵喪全師以還乃言至日本欲攻太宰府
暴風破舟猶欲議戰萬戶厲德彪招討王國佐水手總
管陸文政等不聽節制輒逃去本省載餘軍至合浦散
遣還鄉里未幾敗卒于閭脫歸言官軍六月入海七月
至平壺島移五龍山八月一日風破舟五日文虎等諸
將各自擇堅好船乘之棄士卒十餘萬于山下衆議推
張百戶者為主帥號之曰張總管聽其約束方伐木作
舟欲還七曰日本人來戰盡死餘二三萬為其虜去

九日至八角島盡殺蒙古高麗漢人謂新附軍為唐人
不殺而奴之閭輩是也蓋行省官議事不相下故皆棄
軍歸久之莫青與吳萬五亦逃還十萬之衆得還者三
人耳二十年命安塔哈為日本省丞相與徹爾特穆爾
右丞劉二巴圖爾左丞募兵造船欲復征日本淮西宣
慰使昂吉爾上言民勞乞寢兵二十一年又以其俗尚
佛遣王積翁與補陀僧如智往使舟中有不願行者共
謀殺積翁不果至二十三年帝曰日本未嘗相侵今交

趾犯邊宜置日本專事交趾成宗大德二年江浙行省
平章政事伊蘇岱爾乞用兵日本帝曰今非其時朕徐
思之三年遣僧寧一山者加妙慈弘濟大師附商舶往
使日本而日本人竟不至

元史卷二百八

元史卷二百八考證

高麗國傳計議官伯德孝先 計議原本作司儀今據

經世大典改

都統多托爾 原文作脫朶兒傳內後文又作朶兒耽

羅傳又作脫脫兒並一人今畫一改

王諤更名章 按姚燧及王搆集封贈高麗王祖考制

皆作王璋

欽定四庫全書

元史卷二百九

明翰林學士亞中大夫知制誥兼修國史宋濂等修

列傳第九十六

安南

安南國古交趾也秦并天下置桂林南海象郡秦亡南海尉趙佗擊併之漢置九郡交趾居其一後女子徵側叛遣馬援平之立銅柱為漢界唐始分嶺南為東西二

道置節度立五管安南隸焉宋封丁部領為交趾郡王
其子璉亦為王傳三世為李公蘊所奪即封公蘊為王
李氏傳八世至昊昂陳日昃為昊昂壻遂有其國元憲
宗三年癸丑烏蘭哈達從世祖平大理世祖還留烏蘭
哈達攻諸夷之未附者七年丁巳十一月烏蘭哈達兵
次交趾北先遣二人往諭之不返乃遣齊齊克圖等各
將千人分道進兵抵安南江北洮江上復遣其子阿珠
往為之援并覘其虛實交人亦盛陳兵衛阿珠遣軍還

報烏蘭哈達倍道兼進令齊齊克圖為先鋒阿珠居後
為殿十二月兩軍合交人震駭阿珠乘之敗其水軍虜
戰艦以還烏蘭哈達亦破其陸路兵又與阿珠合擊大
敗之遂入其國日隄竄海島得前所遣使於獄中以破
竹束體入膚比釋縛一使死因屠其城國兵留九日以
氣候鬱熱乃班師復遣二使招日隄來歸日隄還見國
都皆已殘毀大發憤縛二使遣還八年戊午二月日隄
傳國于長子光弼改元紹隆夏光弼遣其壻與其國人

以方物來見烏蘭哈達送詣行在所別遣訥呼丹往諭之曰昔吾遣使通好爾等執而不返我是以有去年之師以爾國主播在草野復令二使招安還國爾又縛還吾使今特遣使開諭如爾等矢心內附則國主親來若猶不悛明以報我光曷曰小國誠心事上則大國何以待之訥呼丹還報時諸王布哈鎮雲南烏蘭哈達言于王復遣訥呼丹往諭使遣使偕來光曷遂納款且曰俟降德音即遣子弟為質王命訥呼丹乘傳入奏世祖中

統元年十二月以孟甲為禮部郎中充南諭使李文
俊為禮部員外郎充副使持詔往諭之其畧曰祖宗以武
功創業文化未修朕纘承丕緒鼎新革故務一萬方適
大理國守臣安撫鼐珠卜丹馳駟表聞爾邦有嚮風慕
義之誠念卿昔在先朝已嘗臣服遠貢方物故頒詔旨
諭爾國官僚士庶凡衣冠典禮風俗一依本國舊制已
戒邊將不得擅興兵甲侵爾疆場亂爾人民卿國官僚
士庶各宜安治如故復諭甲等如交趾遣子弟入覲當

善視之母致寒暑失節重勞苦之也二年孟甲等還光
昌遣其族人通侍大夫陳奉公員外郎諸衛寄班阮琛
員外郎阮演詣闕獻書乞三年一貢帝從其請遂封光
昌為安南國王三年九月以西錦三金熟錦六賜之復
降詔曰卿既委質為臣其自中統四年為始每三年一
貢可選儒士醫人及通陰陽卜筮諸色人匠各三人及
蘇合油光香金銀朱砂沉香檀香犀角玳瑁珍珠象牙
綿白磁盞等物同至仍以訥呼丹克達嚕噶齊佩虎符

往來安南國中四年十一月訥呼丹還光曷遣楊安養
充員外郎及內令武復桓書舍阮求中翼郎范舉等奉
表入謝帝賜來使玉帶繒帛藥餌鞍轡有差至元二年
七月使還復優詔答之仍賜厯及頒改元詔書三年十
二月光曷遣楊安養上表三通其一進獻方物其二免
所索秀才工匠人其三願請訥呼丹長為本國達嚕噶
齊四年九月使還答詔許之仍賜光曷玉帶金繒藥餌
鞍轡等物未幾復下詔諭以六事一君長親朝二子弟

入質三編民數四出軍役五輸納稅賦六仍置達嚕噶齊統治之十一月又詔諭光弼以其國有回鶻商賈欲訪以西域事令發遣以來是月詔封皇子為雲南王往鎮大理鄯闡交趾諸國五年九月以和琳哈雅代訥呼丹為達嚕噶齊張庭珍副之復下詔徵商賈回鶻人六年十一月光弼上書陳情言商旅回鶻一名伊溫死已久一名婆婆尋亦病死又據和琳哈雅謂陛下須索巨象數頭此獸軀體甚大步行甚難不如上國之馬伏

候勅旨於後貢之年當進獻也又具表納貢別奉表謝
賜西錦幣帛藥物七年十一月中書省移牒光弼言其
受詔不拜待使介不以王人之禮遂引春秋之義以責
之且令以所索之象與歲貢偕來又前所貢藥物品味
未佳所徵回鶻輩託辭欺誑自今已往其審察之八年
十二月光弼復書言本國欽奉天朝已封王爵豈非王
人乎天朝奉使復稱王人與之均禮恐辱朝廷況本國
前奉詔旨命依舊俗凡受詔令奉安于正殿而退避別

室此本國舊典禮也來諭索象前恐忤旨故依違未敢
直對實緣象奴不忍去家難於差發又諭索儒醫工匠
而陪臣黎仲它等陛見之日咫尺威光不聞詔諭況中
統四年已蒙原宥今復諭及豈勝驚愕惟閣下其念之
九年以葉實訥為安南達嚕嚕齊李元副之十年正月
葉實訥卒命李元代實訥以阿薩爾哈雅副之中書省
復牒光弼言比歲奉使還者言王每受天子詔令但拱
立不拜與使者相見或燕席位加於使者之上今覽來

書自謂既受王爵豈非王人乎考之春秋叙王人於諸
侯之上釋例云王人蓋下士也夫五等邦君外臣之貴
者也下士內臣之微者也以微者而加貴者之上蓋以
王命為重也後世列王為爵諸侯之尤貴者顧豈有以
王爵為人者乎王寧不知而為是言耶抑辭令之臣誤
為此言耶至於天子之詔人臣當拜受此古今之通義
不容有異者也乃云前奉詔旨並依舊俗本國遵奉而
行凡受詔令奉安於正殿而退避別室此舊典禮也讀

之至此實頗驚訝王之為此言其能自安於心乎前詔
旨所言蓋謂天壤之間不啻萬國國各有俗驟使變革
有所不便故聽用本俗豈以不拜天子之詔而為禮俗
也哉且王之教令行於國中臣子有受而不拜者則王
以為何如君子貴於改過緬想高明其亮察之十一月
光弼遣童子治黎文隱來貢十二年正月初光弼上表請
罷本國達嚕噶齊其文曰微臣僻在海隅得霑聖化與
函生驩抃鼓舞乞念臣自降附上國十有餘年雖奉三

年一貢然迭遣使臣疲於往來未嘗一日休息至天朝
所遣達嚕噶齊辱臨臣境安能空回況其行人動有所
恃凌轢小國雖天子與日月並明安能照及覆盆且達
嚕噶齊可施於邊蠻小醜豈有臣既席王封為一方藩
屏而反立達嚕噶齊以監臨之不寧見笑於諸侯之國
乎與其畏監臨而修貢孰若中心悅服而修貢哉臣恭
遇天朝建儲冊后大恩霽霈施及四海輒敢哀鳴伏望
聖慈特賜矜恤今後二次發遣綱貢一詣壽闈奉納一

詣中原拜獻凡天朝所遣官乞易為引進使庶免達魯噶齊之弊不但微臣之幸實一國蒼生之幸也二月復降詔以所貢之物無補於用諭以六事且遣阿薩爾哈雅克達魯噶齊仍令子弟入侍十三年二月光弼遣黎克復黎文粹入貢以所奏就鄯闡納貢物事屬不敬上表謝罪并乞免六事十四年光弼卒國人立其世子日烜遣中侍大夫周仲彥中亮大夫吳德邵來朝十五年八月遣禮部尚書柴椿會同館使哈喇托音工部郎中

李克忠工部員外郎董端同黎克復等持詔往諭曰烜
入朝受命初使傳之通也止由鄆關黎化往來帝命柴
椿自江陵直抵邕州以達交趾閏十一月柴椿等至邕
州永平寨日烜遣人進書謂今聞國公辱臨敝境邊民
無不駭愕不知何國人使而至於斯乞回軍舊路以進
椿回牒云禮部尚書等官奉上帝命與本國黎克復等由
江陵抵邕州入安南所有導護軍兵合乘驛馬宜來界
首遠迓日烜差御史中贊兼知審刑院事杜國計先至

其太尉率百官自富良江岸奉迎入館十二月二日日
烜就館見使者四日日烜拜讀詔書椿等傳旨曰汝國
內附二十餘年向者六事猶未見從汝若弗朝則修爾
城整爾軍以待我師又云爾父受命為王汝不請命而
自立今復不朝異日朝廷加罪將何以逃其責請熟慮
之曰烜仍舊例設宴于廊下椿等弗就宴既歸館曰烜
遣范明字致書謝罪改宴于集賢殿曰烜言先君棄世
予初嗣位天使之來開諭詔書使予喜懼交戰于胷中

竊聞宋主幼小天子憐之尚封公爵於小國亦必加憐
昔諭六事已蒙赦免若親朝之禮予生長深宮不習乘
騎不諳風土恐死於道路子弟太尉以下亦皆然天使
回謹上表達誠兼獻異物椿曰宋主年未十歲亦生長
深宮如何亦至京師但詔旨之外不敢聞命且我四人
實來召汝非取物也椿等還日烜遣范明字鄭國瓚中
贊杜國計奉表陳情言孤臣稟氣軟弱且道路艱難徒
暴白骨致陛下哀傷而無益天朝之萬一伏望陛下憐

小國之遼遠令臣得與鰥寡孤獨保其性命以終事陛下此孤臣之至幸小國生靈之大福也兼貢方物及二馴象十六年三月椿等先達京師留鄭國瓚待於邕州樞密院奏以日烜不朝但遣使臣報命飾辭託故延引歲時巧佞雖多終違詔旨可進兵境上遣官問罪帝不從命來使入覲十一月留其使鄭國瓚于會同館復遣柴椿等四人與杜國計持詔再諭日烜來朝若果不能自覲則積金以待其身兩珠以代其目副以賢士方技

子弟工匠各二以代其土民不然修爾城池以待其審處焉十八年十月立安南宣慰司以巴延特穆爾為參知政事行宣慰使都元帥別設僚佐有差是月詔以光弼既歿其子日烜不請命而自立遣使往召又以疾為辭止令其叔遺愛入覲故立遺愛代為安南國王二十年七月日烜致書于平章阿爾哈雅請還所留來使帝即遣還國是時阿爾哈雅為荊湖占城行省平章政事帝欲交趾助兵糧以討占城今以已意諭之行省遣鄂

州達魯噶齊趙翥以書諭日烜十月朝廷復遣陶秉直
持璽書往諭之十一月趙翥抵安南日烜尋遣中亮大
夫丁克紹中大夫阮道學等持方物從翥入覲又遣中
奉大夫范至清朝請郎杜抱直等赴省計事且致書于
平章言添軍一件占城服事小國日久老父惟務以德
懷之迨于孤子之身亦繼承父志自老父歸順天朝三
十年于茲干戈示不復用軍卒毀為民丁一資天朝貢
獻一示心無二圖幸閣下矜察助糧一件小國地勢瀕

海五穀所產不多一自大軍去後百姓流亡加以水旱
朝飽暮饑食不暇給然閣下之命所不敢違擬於欽州
界上永安州地所俟候輸納續諭孤子親身赴闕面奉
聖訓老父在時天朝矜憫置之度外今老父亡歿孤子
居憂感病至今尚未復常况孤子生長遐陬不耐寒暑
不習水土艱難道塗徒暴白骨以小國陪臣往來尚為
疹氣所侵或十之五六或死者過半閣下亦已素知惟
望曲為愛護敷奏天朝庶知孤子宗族官吏一一畏死

貪生之意豈但孤子受賜抑一國生靈賴以安全共祝
閣下享此長久自天之大福也二十一年三月陶秉直
使還日烜復上表陳情又致書于荊湖占城行省大意
與前書畧同又以瓊州安撫使陳仲達聽鄭天祐言交
趾通謀占城遣兵二萬及船五百以為應援又致書行
省其畧曰占城乃小國內屬大軍致討所當哀籲然未
嘗敢出一言蓋天時人事小國亦知之矣今占城遂為
叛逆執迷不復是所謂不能知天知人者也知天知人

而反與不能知天知人者同謀雖三尺兒童亦知其弗
與況小國乎幸貴省裁之八月日烜弟昭德王陳琛致
書於荊湖占城行省自願納款歸降十一月行省右丞
索多言交趾與真臘占城雲南暹緬諸國接壤可即其
地立省及於越里潮州毗蘭三道屯軍鎮戍因其糧餉
以給士卒庶免海道轉輸之勞二十二年二月荊湖占
城行省言鎮南王昨奉旨統軍征占城遣左丞唐古特
馳驛赴占城約右丞索多將兵會合又遣理問官庫哩

宣使塔海薩里同安南國使阮道學等持行省公文責
日烜運糧送至占城助軍鎮南王路經近境令其就見
比官軍至衡山縣聞日烜從兄興道王陳峻提兵界上
既而庫哩及塔海薩里引安南中亮大夫陳德鈞朝散
郎陳嗣宗以日烜書至言其國至占城水陸非便願隨
力奉獻軍糧及官軍至永州日烜移牒邕州言貢期擬
取十月請前途預備丁力若鎮南王下車之日希文垂報
行省命萬戶趙修己以己意復書復移公文令開路

備糧親迎鎮南王及官軍至邕州安南殿前范海崖領
兵屯可蘭韋大助等處至思明州鎮南王復令移文與
之至祿州復聞日烜調兵拒守丘溫丘急嶺隘路行省
遂分軍兩道以進日烜復遣其善忠大夫阮德興朝請
郎阮文翰奉書與鎮南王言不能親見末光然中心欣
幸以往者欽蒙聖詔云別勅我軍不入爾境今見邕州
營站橋梁往往相接實深驚懼幸昭初忠誠少加矜恤
又以書抵平章政事乞保護本國生靈庶免逃竄之患

鎮南王命行省遣總把阿里持書與德興同往諭曰烜以興兵之故實為占城非為安南也至急保縣地方安南管軍官阮益屯兵七源州又村李縣短萬劫等處俱有興道王兵阿里不能進行省再命倪閏往覘虛實斟酌調軍然不得殺掠其民未幾色特爾岱李邦憲孫祐等言至可離隘遇交兵拒敵祐與之戰擒其管軍奉御杜偉杜祐始知興道王果領兵迎敵官軍過可離隘至洞板隘又遇其兵與戰敗之其首將秦岑中傷死聞興道王

在內傍隘又進兵至變往村諭其收兵開路迎拜鎮南
王不從至內傍隘奉令旨令人招之又不得官軍遂分
六道進攻執其將大僚班段台興道王逃去追至萬劫
攻諸隘皆破之興道王尚有兵船千餘艘距萬劫十里
遂遣兵士於沿江求船及聚板木釘灰置塲剗造選各
翼水軍令烏瑪喇巴圖部領數與戰皆敗之得其江岸
遺棄文字二紙乃日烜與鎮南王及行省平章書復稱
前詔別勅我軍不入爾境今以占城既臣復叛之故

因發大軍經由本國殘害百姓是太子所行違悞非本國違悞也伏望勿外前詔勒回大軍本國當具貢物馳獻復有異於前者行省復以書抵之以為朝廷調兵討占城屢移文與世子俾開路備糧不意故違朝命俾興道王輩提兵迎敵射傷我軍與安南生靈為禍者爾國所行也今大軍經爾國討占城乃上命世子可詳思爾國歸附已久宜體皇帝涵洪慈憫之德即令退兵開道安諭百姓各務生理我軍所過秋毫無擾世子宜出

迎鎮南王共議軍事不然大軍止於安南開府因令其使阮文翰達之及官軍獲生口乃稱日烜調其聖翊等軍船千餘艘助興道王拒戰鎮南王遂與行省官親臨東岸遣兵攻之殺傷甚衆奪船二十餘艘興道王敗走官軍縛杙為橋渡富良江北岸日烜沿江布兵船立木柵見官軍至岸即發礮大呼求戰至晚又遣其阮奉御奉鎮南王及行省官書請小却大軍行省復移文責之遂復進兵日烜乃棄城遁去仍令阮效銳奉書謝罪并

獻方物且請班師行省復移文招諭遂調兵渡江壁於
安南城下明日鎮南王入其國宮室盡空惟留屢降詔勅
及中書牒文盡行毀抹外有文字皆其南北邊將報官
軍消息及拒敵事情日烜僭稱大越國主憲天體道大
明光孝皇帝陳威晃禪位于皇太子立太子妃為皇后
上顯慈順天皇太后表章於上行使昊天成命之寶日
烜即居太上皇之位見立安南國王係日烜之子行紹
寶年號所居宮室五門額書大興之門左右掖門正殿

九間書天安御殿正南門書朝天閣又諸處張榜云凡國內郡縣假有外寇至當死戰或力不敵許於山澤逃竄不得迎降其險隘拒守處俱有庫屋以貯兵甲其棄船登岸之軍猶衆日烜引宗族官吏於天長長安屯聚興道王范殿前領兵船復聚萬劫江口阮孟駐西路永平行省整軍以備追襲而唐古特與索多等兵至自占城與大軍會合自入其境大小七戰取地二千餘里王宮四所初敗其昭明王兵擊其昭孝王大僚護皆死昭

明王遠適不敢復出又於安演州清化長安獲亡宋陳
尚書堦交趾梁奉御及趙孟信葉郎將等四百餘人萬
戶李邦憲劉世英領軍開道自永平入安南每三十里
立一寨六十里置一驛每一寨一驛屯軍三百鎮安巡
邏復令世英立堡專提督寨驛公事右丞庫春引萬戶
孟古岱巴喇罕岱爾由陸路李左丞引烏瑪喇巴圖由
水路敗日烜兵船禽其建德侯陳仲日烜逃去追至膠
海口不知所往其宗族文義侯父武道侯及子明智侯

壻彰懷侯并彰憲侯亡宋官曾參政蘇少保子蘇寶章
陳尚書子陳文孫相繼率衆來降唐古特劉珪皆言占
城無糧軍難久駐鎮南王令索多引元軍於長安處就
糧日烜至安邦海口棄其舟楫甲仗走匿山林官軍獲
船一萬艘擇善者乘之餘皆焚棄復於陸路追三晝夜
獲生口稱上皇世子止有船四艘興道王及其子三艘
太師八十艘走清化府索多亦報曰烜太師走清化烏
瑪喇巴圖以軍一千三百人戰船六十艘助索多襲擊

其太史等兵復令唐古特沿海追日烜亦不知所往日
烜弟昭國王陳益稷率其本宗與其妻子官吏來降乃
遣密拉薩巴等送彰憲侯文義侯及其子明誠侯昭國
王子義國侯入朝文義侯得北上彰憲侯義國侯皆為
興道王所刼彰憲侯死義國侯脫身還軍中官軍聚諸
將議交人拒敵官軍雖數敗散然增兵轉多官軍困乏
死傷亦衆蒙古軍馬亦不能施其技遂棄其京城渡江
北岸決議退兵屯思明州鎮南王然之乃領軍還是日

劉世英與興道王興寧王兵二萬餘人力戰又官軍至如月江日烜遣懷文侯來戰行至冊江擊浮橋渡江左丞唐古特等馳驛上表而林內伏發官軍多溺死力戰始得出境唐古特等馳驛上奏七月樞密院請調兵以今年十月會潭州聽鎮南王及阿爾哈雅擇帥總之二十三年正月詔省臣共議遂大舉南伐二月詔諭安南官吏百姓數日烜罪惡言其戕害叔父陳遣愛及弗納達魯噶齊巴延特穆爾等事以陳益稷等自拔來歸封

益稷為安南國王賜符印秀煖為輔義公以奉陳祀申
命鎮南王托歡左丞相阿爾哈雅平定其國以兵納益
稷五月發孟古岱麾下士卒合鄂州行省軍同征之官
兵入其境曰烜復棄城遁六月湖南宣慰司上言連歲
征日本及用兵占城百姓罷於轉輸賦役煩重士卒觸
瘴癘多死傷者羣生愁歎四民廢業貧者棄子以偷生
富者鬻產而應役倒懸之苦日甚一日今復有事交趾
動百萬之衆虛千金之費非所以恤士民也且舉動之

間利害非一又兼交趾已嘗遣使納表稱藩若從其請
以甦民力計之上也無已則宜寬百姓之賦積糧餉繕
甲兵俟來歲天時稍利然後大舉亦未為晚湖廣行省
臣顯格是其議遣使入奏且言本省鎮戍凡七十餘所
連歲征戰士卒精銳者罷於外所存者皆老弱每一城
邑多不過二百人竊恐姦人得以窺伺虛實往年平章
阿爾哈雅出征輸糧三萬石民且告病今復倍其數官
無儲蓄和糴於民間百姓將不勝其困宜如宣慰司所

言乞緩師南伐樞密院以聞帝即日下詔止軍縱士卒
還各營益稷從師還鄂二十四年正月發新附軍千人
從阿巴齊討安南又詔發江淮江西湖廣三省蒙古漢
募軍七萬人船五百艘雲南兵六千人海外四州黎兵
萬五千海道運糧萬戶張文虎費拱辰陶大明運糧十
七萬石分道以進置征交趾行尚書省鄂羅齊平章政
事烏瑪喇樊楫參知政事總之並受鎮南王節制五月
命右丞程鵬飛還荊湖行省治兵六月樞密院復奏令

烏瑪喇與樊參政率軍士水陸並進九月以瓊州路安撫使陳仲達南寧軍民總管謝有奎延攔軍民總管符庇成出兵船助征交趾並令從征日烜遣其中大夫阮文彥等八貢十一月鎮南王次思明留兵二千五百人命萬戶賀祉統之以守輜重程鵬飛巴喇罕岱爾以漢券兵萬人由西道永平鄂囉齊以萬人從鎮南王由東道女兒關以進阿巴齊以萬人為前鋒烏瑪喇樊楫以兵由海道經玉山雙門安邦口遇交趾船四百餘艘擊

之斬首四千餘級生擒百餘人奪其舟百艘遂趨交趾
程鵬飛巴喇罕岱爾經老鼠陷沙茨竹三關凡十七戰
皆捷十二月鎮南王次茅羅港交趾興道王遁因攻浮
山寨破之又命程鵬飛阿里以兵二萬人守萬劫且修
普賴山及至靈山木柵命烏瑪喇將水兵阿巴齊將陸
兵徑趨交趾城鎮南王以諸軍渡富良江次城下敗其
守兵日烜與其子棄城走散喃堡諸軍攻下之二十五
年正月日烜及其子復走入海鎮南王以諸軍追之次

天長海口不知其所之引兵還交趾城命烏瑪喇將水
兵由大滂口逕張文虎等糧船鄂囉齊阿巴齊等分道
入山求糧聞交趾集兵箇沉箇黎磨山魏寨發兵皆破
之斬萬餘級二月鎮南王引兵還萬劫阿巴齊將前鋒
奪關擊橋破三江口攻下堡三十二斬數萬餘級得船
二百艘米十一萬三千餘石烏瑪喇由大滂口趨塔山
遇賊船千餘擊破之至安邦口不見張文虎船復還萬
劫得米四萬餘石普賴至靈山木柵成命諸軍居之

諸將因言交趾無城池可守倉庾可食張文虎等糧船不至且天時已熟恐糧盡師老無以支久為朝廷羞宜全師而還鎮南王從之命烏瑪喇樊楫將水兵先還程鵬飛達春將兵護送之三月鎮南王以諸軍還張文虎糧船以去年十二月次屯山遇交趾船三十艘文虎擊之所殺畧相當至綠水洋賊船益多度不能敵又船重不可行乃沉米於海趨瓊州費拱辰糧船以十一月次惠州風不得進漂至瓊州與張文虎合徐慶糧船漂至占

城亦至瓊州凡亡士卒二百二十人船十一艘糧萬四千三百石有奇鎮南王次內傍關賊兵大集王擊破之命萬戶張均以精銳三千人殿力戰出關謀知日烜及世子興道王等分兵三十餘萬守女兒關及丘急嶺連亘百餘里以遏歸師鎮南王遂由單已縣趨益州間道以出次思明命愛魯克引兵還雲南鄂囉齊以諸軍北還日烜尋遣使來謝進金人代已罪十一月以劉庭直李思衍萬努等使安南持詔諭日烜來朝二十六年二

月中書省臣奏既罷征交趾宜拘收行省符印四月日
烜遣其中大夫陳克用等來貢方物二十七年日烜卒其
子曰燭遣使來貢二十八年十一月鎮守永州兩淮萬
戶府上千戶蔡榮上書言軍事大要以朝廷賞罰不明
士不用命將帥不和坐失事機其弊有不可勝言者書
上不報二十九年九月遣吏部尚書梁曾禮部郎中陳
孚持詔再諭日燭來朝詔曰省表具悉去歲禮部尚書
張立道言曾到安南識彼事體請往開諭使之來朝因

遣立道往彼今汝國罪愆既已自陳朕復何言若曰孤
在制及畏死道路不敢來朝且有生之類寧有長久安
全者乎天下亦復有不死之地乎朕所未喻汝當具聞
徒以虛文歲幣巧飾見欺於義安在三十年梁曾等便
還曰燭遣陪臣陶子奇等來貢廷臣以日燭終不入朝
又議征之遂拘留子奇於江陵命劉國傑與諸侯王伊
勒吉岱等同征安南勅至鄂州與陳益稷議八月平章
博果密等奏立湖廣安南行省給二印市蜚船百斛者

千艘用軍五萬六千五百七十人糧三十五萬石馬料二萬石鹽二十一萬斤預給軍官俸津遣軍人水手人鈔二錠器仗凡七十餘萬事國傑設幕官十一人水陸分道並進又以江西行樞密院副使徹爾瑪勒為右丞從征安南令陳巖趙修己雲從龍張文虎岑雄等共事益稷隨軍至長沙會寢兵而止三十一年五月成宗即位命罷征遣陶子奇歸國日燂遣使上表慰國哀并獻方物六月遣禮部侍郎李衍兵部郎中蕭泰登持詔往

撫綏之其畧曰先皇帝新棄天下朕嗣守大統踐阼之
始大肆赦宥無間遠近惟爾安南亦從寬宥已勅有司
罷兵遣陪臣陶子奇歸國自今以往所以畏天事天者
其審思之大德五年二月太傅諤勒哲等奏安南來使
鄧汝霖竊畫宮苑圖本私買輿地圖及禁書等又抄寫
陳言徵收交趾文書及私記北邊軍情及山陵等事宜
遣使持詔責以大義三月遣禮部尚書瑪哈穆特禮部
侍郎喬宗亮持詔諭曰燭大意以汝霖等所為不法宜

窮治朕以天下為度勅有司放還自今使价必須選擇有所陳請必盡情惓惓向以虛文見給曾何益於事哉勿憚改圖以貽後悔中書省復移牒取萬戶張榮實等二人與去使偕還武宗即位下詔諭之屢遣使來貢至大四年八月世子陳日養遣使奉表來朝仁宗皇慶二年正月交趾軍約三萬餘眾馬軍二千餘騎犯鎮安州雲洞殺掠居民焚燒倉廩廬舍又陷祿洞知洞等處虜生口孳畜及居民貲產而還復分兵三道犯歸順州屯兵

未退廷議俾湖廣行省發兵討之四月復得報交趾世子親領兵焚養利州官舍民居殺掠二千餘人且聲言昔右江歸順州五次劫我大源路掠我生口五千餘人知養利州事趙珏禽我思浪州商人取金一礪侵田一千餘頃故來讐殺六月中書省俾兵部員外郎阿爾烏遜樞密院俾千戶劉元亨同赴湖廣行省詢察之元亨等親詣上中下由村相視地所詢之居民農伍又遣下思明知州黃嵩壽往詰之謂是阮蓋世子太史之奴然

亦未知是否於是牒諭安南國其畧曰昔漢置九郡唐立五管安南實聲教所及之地況獻圖奉貢上下之分素明厚往薄來懷撫之惠亦至聖朝果何負於貴國今胡自作不靖禍焉斯啟雖由村之地所係至微而國家輿圖所闕甚大兼之所殺所虜皆朝廷係籍編戶省院未敢奏聞然未審不軌之謀誰實主之安南回牒云邊鄙鼠竊狗偷輩自作不靖本國安得而知且以貨賂偕至元亨復牒責安南飾辭不實却其貨賂且曰南金象

齒貴國以為寶而使者以不貪為寶來物就付回使請
審察事情明以告我而道里遼遠情辭虛誕終莫得其
要領元亨等推原其由因上言交人昔侵永平邊境今
倣效成風兼聞阮盞世子乃交趾跋扈之人為今之計
莫若遣使諭安南歸我土田返我人民仍令當國之人
正其疆界究其主謀開釁之人戮於境上申飭邊吏毋
令侵越却於永平置塞募兵設官統領給田土牛具令
自耕食編立部伍明立賞罰令其緩急首尾相應如此

則邊境安靜永保無虞事聞有旨俟安南使至即以諭之自延祐初元以及至治之末疆場寧謐貢獻不絕泰定元年世子陳日煥遣陪臣莫節夫等來貢益稷久居於鄂遙授湖廣行省平章政事當成宗朝賜田二百頃武宗朝進銀青榮祿大夫加金紫光祿大夫復加儀同三司文宗天歷二年夏益稷卒壽七十有六詔賜錢五千緡至順元年諡忠懿王三年夏四月世子陳日煥遣其臣鄧世延等二十四人來貢方物

天
地
人
物
事
理

元
亨

利
貞

○

元史卷二百九

元史卷二百九考證

安南國傳宋封丁部領為交趾郡王其子璉亦為王傳
三世為李公蘊所奪 按宋史及文獻通考東都事
畧諸書並載丁璉卒弟璿嗣其大校黎桓廢璿自立
宋封為交趾郡王傳子龍鉞龍廷為李公蘊所奪云
云傳文訛脫今姑仍舊

諸衛寄班 按安南志畧寄班職在大僚班親王班下
諸衛職在寄班下皆文武參用

至元九年以葉實訥為安南達魯噶齊 經世大典作
七年十一月事

日烜遣范明字致書謝罪 按明字為安南官名其品
秩在王侯下大僚班上並詳見安南志畧

欽定四庫全書

元史卷二百十

明翰林學士亞中大夫知制誥兼修國史宋濂等修

列傳第九十六

緬

緬國為西南夷不知何種其地有接大理及去成都不遠者又不知其方幾里也其人有城郭屋廬以居有象馬以乘舟筏以濟其文字進上者用金葉寫之次用紙

又次用檳榔葉蓋騰譯而後通也世祖至元八年大理
鄯闡等路宣慰司都元帥府遣奇塔特托音等使緬招
諭其王內附四月奇塔特托音等導其使博來以聞十
年二月遣噶瑪拉實哩奇塔特托音等使其國持詔諭
曰間者大理鄯闡等路宣慰司都元帥府差奇塔特托
音導王國使博詣京師且言嚮至王國但見其臣下未
嘗見王又欲觀吾大國舍利朕矜憫遠來即使來使觀
見又令縱觀舍利益詢其所來乃知王有內附意國雖

云遠一視同仁今再遣噶瑪拉實哩及禮部郎中國信使奇塔特托音工部郎中國信副使布雅喀實往諭王誠能謹事大之禮遣其子弟若貴近臣一來以彰我國家無外之義用敦永好時乃之休至若用兵夫誰所好王其思之十二年四月建寧路安撫使賀天爵言得金齒頭目阿郭所云奇塔特托音之使緬乃故父阿必所指也至元九年三月緬王恨父阿必故領兵數萬來侵執父阿必而去不得已厚獻其國乃得釋之因知緬中

部落之人猶羣狗耳比者緬遣阿的八等九人至乃候
視國家動靜也今白衣頭目是阿郭親戚與緬為隣嘗
謂入緬有三道一由天部馬一由驃甸一由阿郭地界
俱會緬之江頭城又阿郭親戚阿提犯在緬掌五甸戶
各萬餘欲內附阿郭願先招阿提犯及金齒之未降者
以為引道雲南省因言緬王無降心去使不返必須征
討六月樞密院以聞帝曰姑緩之十一月雲南省始報
差人探伺國使消息而蒲賊阻道今蒲人多降道已通

遣金齒于額總管阿禾探得國使達緬俱安十四年三月緬人以阿禾內附怨之攻其地欲立砦騰越永昌之間時詔大理路蒙古萬戶呼圖克大理路總管信苴日總把千戶托多爾海伐永昌之西騰越蒲驃阿昌金齒未降部族駐南甸阿禾告急呼圖克等晝夜行與緬軍遇一河邊其衆四五萬衆八百馬萬匹呼圖克等軍僅七百人緬人前乘馬次象次步卒象披甲背負戰樓兩旁挾大竹筩置短槍數十於其中乘象者取以擊刺呼

圖克曰賊衆我寡當先衝河北軍親率二百八十一騎為一隊信苴日以二百三十三騎傍河為一隊托多爾海以一百八十七人依山為一隊交戰良久賊敗走信苴日追之三里抵寨門旋濘而退忽南面賊兵萬餘繞出官軍後信苴日馳報呼圖克復列三陣進至河岸擊之又敗走追破其十七砦迓北至窄山口轉戰三十餘里賊及象馬自相蹂死者盈三巨溝日暮呼圖克中傷迓收兵明日追之至于額不及而還捕虜甚衆軍中以一

帽或一兩靴一氊衣易一生口其脫者又為阿禾阿昌
邀殺歸者無幾官軍負傷者雖多惟蒙古軍獲一象不
得其性被擊而斃餘無死者十月雲南省遣本省宣慰
使都元帥尼雅斯拉鼎率蒙古蠻犛摩些軍三千八百
四十餘人征緬至江頭深蹂首首細安立砦之所招降
其磨欲等三百餘砦土官曲蠟蒲折戶四千孟磨愛呂
戶一千磨奈蒙匡里荅八刺戶二萬蒙忙甸土官甫祿
堡戶一萬木都彈禿戶二百凡三萬五千二百戶以天

熱還師十七年二月尼雅斯拉鼎等上言緬興地形勢
皆在臣目中矣先奉旨若重慶諸郡平然後有事緬國
今四川已底寧請益兵征之帝以問丞相托多爾海托
多爾海曰陛下初命發哈喇章及四川與阿爾哈雅摩
下士卒六萬人征緬今尼雅斯拉鼎止需萬人帝曰是
矣即命樞密繕甲兵修武備議選將出師五月詔雲南
行省發四川軍萬人命雅爾哈領之與前所遣將同征
緬十九年二月詔思播叙諸郡及亦奚不薛諸蠻夷等

處發士卒征緬二十年十一月官軍伐緬克之先是
宗王桑阿克達爾右丞相台布參知政事伊克德濟奉
詔征緬是年九月大軍發中慶十月至南甸台布由羅
必甸進軍十一月桑阿克達爾命伊克德濟取道阿昔
江達鎮西阿禾江造舟二百下流至江頭城斷緬人水
路自將一軍從驃甸徑抵其國與台布軍會令諸將分
地攻取破其江頭城擊殺萬餘人別令都元帥袁世安
以兵守其地積糧餉以給軍士遣使持輿地圖奏上二十

二年十一月緬王遣其鹽井大官阿必立相至太公城
欲來納款為孟乃甸白衣頭目碍塞阻道不得行遣膽
馬宅者持信劄一片來告驃甸土官匿俗乞報上司免
軍馬入境匿俗給榜遣膽馬宅回江頭城招阿必立相
赴省且報鎮西平緬麓川等路宣慰司宣撫司差三摻
持榜至江頭城付阿必立相忙直卜算二人期兩月領
軍來江頭城宣撫司率蒙古軍至驃甸相見議事阿必
立相乞言於朝廷降旨許其悔過然後差大官赴闕朝

廷尋遣鎮西平緬宣撫司達嚕噶齊兼招討使齊喇使
其國二十三年十月以招討使張萬為征緬副都元帥
額森特穆爾征緬招討司達嚕噶齊千戶張成征緬招
討使並給虎符敕造戰船將兵六千人征緬俾都元帥
圖們岱總之雲南王以行省右丞愛魯克奉旨徵金齒
察罕迭吉連地撥軍一千人是月發中慶府繼至永昌
府與征緬省官會經阿昔甸差軍五百人護送招緬使
齊喇至太公城二十四年正月至忙乃甸緬王為其世

子不速速古里所執囚於昔里怯荅刺之地又害其嫡
子三人與大官木浪周等四人為逆雲南王所命官阿
南達等亦受害二月齊喇自忙乃甸登舟留元送軍五
百人于彼雲南省請今秋進討不聽既而雲南王與諸
王進征至蒲甘喪師七千餘緬始平乃定歲貢方物大
德元年二月以緬王的立普哇拿阿迪提牙嘗遣其子
僧合八的奉表入朝請歲輸銀二千五百兩帛千匹馴
象二十糧萬石詔封的立普哇拿阿迪提牙為緬王賜

銀印子僧合八的為緬國世子賜以虎符三年三月緬
復遣其世子奉表入謝自陳部民為金齒殺掠率皆貧
乏以致上供金幣不能如期輸納帝憫之止命間歲貢
象仍賜衣遣還四年四月遣使進白象五月的立普哇
拿阿迪提牙為其弟阿散哥也等所殺其子窩麻刺哥
撒八逃詣京師令孟古圖嚕默色率師往問其罪蠻賊
與八百媳婦國通其勢張甚孟古圖嚕默色請益兵又
命色辰額呼等將兵萬二千人征之仍令諸王庫庫節

制其軍六月詔立窟麻剌哥撒八為王賜以銀印秋七月緬賊阿散哥也弟者蘇等九十一人各奉方物入朝命餘人置中慶遣者蘇等來上都八月緬國阿散哥也等昆弟赴闕自言殺主之罪罷征緬兵五年九月雲南參知政事高慶宣撫使察罕布哈伏誅初慶等從色辰額呼圍緬兩月城中薪食俱盡勢將出降慶等受其重賂以炎暑瘴疫為辭輒引兵還故誅之十月緬遣使入貢

占城

占城近瓊州順風舟行一日可抵其國世祖至元間廣南西道宣慰使馬成旺嘗請兵三千人馬三百匹征之十五年左右索多以宋平遣人至占城還言其王失里咱牙信合八剌哈迭瓦有內附意詔降虎符授榮祿大夫封占城郡王十六年十二月遣兵部侍郎嘉琿達總管孟慶元萬戶孫勝夫與索多等使占城諭其王入朝十七年二月占城國王保寶旦拏囉耶邛南謁占把地

囉耶遣使貢方物奉表降十九年十月朝廷以占城國
主李由補刺者吾曩歲遣使來朝稱臣內屬遂命右丞
索多等即其地立省以撫安之既而其子補的專國貢
固弗服萬戶何子志千戶皇甫傑使暹國宣慰使尤永
賢伊蘭等使馬八兒國舟經占城皆被執故遣兵征之
帝曰老王無罪逆命者乃其子與一蠻人耳苟獲此兩
人當依曹彬故事百姓不戮一人十一月占城行省官
率兵自廣州航海至占城港港口北連海海旁有小港

五通其國大州東南止山西旁木城官軍依海岸屯駐
占城兵治木城四面約二十餘里起樓棚立回回三梢
礮百餘座又木城西十里建行宮亭由補刺者吾親率
重兵屯守應援行省遣都鎮撫李天祐總把賈甫招之
七往終不服十二月招真臘國使色埒默請往招諭復
與天祐甫偕行得其回書云已脩木城備甲兵刻期請
戰二十年正月行省傳令軍中以十五日夜半發船攻
城至期分遣瓊州安撫使陳仲達總管劉金總把栗全

以兵千六百人由水路攻木城北面總把張斌百戶趙達以三百人攻東面沙北省官三千人分三道攻南面舟行至天明泊岸為風濤所碎者十七八賊開木城南門建旗鼓出萬餘人乘象者數十亦分三隊迎敵矢石交下自卯至午賊敗北官軍入木城復與東北二軍合擊之殺溺死者數千人守城供餉餽者數萬人悉潰散國主棄行宮燒倉廩殺永賢伊蘭等與其臣逃入山十七日整兵攻大州十九日國主使報荅者來求降二十

日兵至大州東南遣報荅者回許其降免罪二十一日
入大州又遣博思兀魯班者來言奉王命來降國主太
子即後至行省檄召之官軍復駐城外二十二日遣其
舅寶脫禿花等三十餘人奉國王信物雜布二百匹大
銀三錠小銀五十七錠碎銀一甕為質來歸欸又獻金
葉九節標槍曰國主欲來病未能進先使持其槍來以
見誠意長子補的期三日請見省官却其物寶脫禿花
曰不受是薄之也行省度不可却姑令收置乃以上聞

寶脫禿花復令其主第四子利世麻八都八德刺第五子利世印德刺來見且言先有兵十萬故來戰今皆敗散聞敗兵言補的被傷已死國主頰中箭今小愈愧懼未能見也故先遣二子來議赴闕進見事省官疑其非真子聽其還諭國主早降且以問疾為辭遣千戶林子全總把栗全李德堅偕往覘之二子在途先歸子全等入山兩程國主遣人來拒不果見寶脫禿花謂子全曰國主遷延不肯出降今反揚言欲殺我可歸告省官來

則來不來我當執以往子全等回營是日又殺何子志
皇甫傑等百餘人二月八日寶脫禿花又至自言吾祖
父伯叔前皆為國主至吾兄今亭由補刺者吾殺而奪
其位斬我左右二大指我實怨之願禽亭由補刺者吾
補的父子及大拔撒機兒以獻請給大元服色行省賜
衣冠撫諭以行十三日居占城唐人曾延等來言國主
逃於大州西北鴉候山聚兵三千餘人招集他郡兵未
至不日將與官軍交戰懼唐人泄其事將盡殺之延等

覺而逃來十五日寶脫禿花偕宰相報孫達兒及撮及
大師等五人來降行省官引曾延等見寶脫禿花詰之
曰延等姦細人也請繫縲之國主軍皆潰散安敢復戰
又言今未附州郡凡十二處每州遣一人招之舊州水
路乞行省與陳安撫及寶脫禿花各遣一人乘舟招諭
攻取陸路則乞行省官陳安撫與已往禽國主補的及
攻其城行省猶信其言調兵一千七半山塔遣子全德
堅等領軍百人與寶脫禿花同赴大州進討約有急則

報半山軍子全等比至城西寶脫禿花背約間行自北
門乘象遁入山官軍獲諜者曰國主實在鴉候山立砦
聚兵約二萬餘遣使交趾真臘閩婆等國借兵及徵賓
多龍舊州等軍未至十六日遣萬戶張顥等領兵赴國
主所棲之境十九日顥兵近木城二十里賊浚濠塹拒
以大木官軍斬刈超距奮擊破其二千餘衆轉戰至木
城下山林阻隘不能進賊旁出截歸路軍皆殊死戰遂
得解還營行省遂整軍聚糧荆木城遣總管劉金千戶

劉涓岳榮守禦二十一年三月六日索多領軍回十五
日江淮行省遣助索多軍萬戶呼圖克等至占城索多
舊置行省舒眉蓮港見營舍燒盡始知官軍已回二十
日呼圖克令百戶陳奎招其國主來降二十七日占城
主遣王通事者來稱納降呼圖克等諭令其父子奉表
進獻國主遣文勞邛大巴南等來稱索多除蕩其國貧
無以獻來年當備禮物令嫡子入朝四月十二日國主
令其孫濟目理勒蟄文勞邛大巴南等奉表歸款是年

命平章政事阿爾哈雅奉鎮南王托歡發兵假道交趾
伐占城不果行

暹

暹國當成宗元貞元年進金字表欲朝廷遣使至其國
比其表至已先遣使蓋彼未之知也賜來使素金符佩
之使急追詔使同往以暹人與麻里子兒舊相讐殺至
是皆歸順有旨諭暹人勿傷麻里子兒以踐爾言大德
三年暹國主上言其父在位時朝廷嘗賜鞍轡白馬及

金縷衣乞循例以賜帝以丞相鄂勒哲達爾罕言彼小國而賜以馬恐其隣實都輩譏議朝廷仍賜金縷衣不賜以馬

瓜哇

瓜哇在海外視占城益遠自泉南登舟海行者先至占城而後至其國其風俗土產不可考大率海外諸番國多出奇寶取貴於中國而其人則醜怪情性語言與中國不能相通世祖撫有四夷其出師海外諸番者惟瓜

哇之役為大至元二十九年二月詔福建行省除史弼
伊克穆蘇高興平章政事征爪哇會福建江西湖廣三
行省兵凡二萬設左右軍都元帥府二征行上萬戶四
發舟千艘給糧一年鈔四萬錠降虎符十金符四十銀
符百金衣段百端用備功賞伊克穆蘇等陞辭帝曰卿
等至爪哇明告其國軍民朝廷初與爪哇通使往來交
好後刺詔使孟右丞之面以此進討九月軍會慶元弼
伊克穆蘇領省事赴泉州興率輜重自慶元登舟涉海

十一月福建江西湖廣三省軍會泉州十二月自後渚
啟行三十年正月至枸欄山議方畧二月伊克穆蘇孫
參政先領本省幕官并招諭瓜哇等處宣慰司官庫春
哈雅楊梓全忠祖萬戶張達喇齊等五百餘人船十艘
先往招諭之大軍繼進於吉利門弼興進至瓜哇之杜
竝足與伊克穆蘇等議分軍下岸水陸並進弼興孫參
政帥都元帥諾海萬戶寧居仁等水軍自杜竝足由戎
牙路港口至八節澗興與伊克穆蘇帥都元帥鄭鎮國

萬戶托歡等馬步軍自杜竝足陸行以萬戶申元為前
鋒遣副帥圖古德埒克萬戶褚懷遠李忠等乘鑽風船
由戎牙路於麻喏巴歇浮梁前進赴八節澗期會招諭
瓜哇宣撫司官言瓜哇主壻土罕必閣耶舉國降土罕
必閣耶不能離軍先令楊梓甘珠爾布哈全忠祖引其
宰相昔刺難答吒耶等五十餘人來迎三月一日會軍
八節澗澗上接杜馬班王府下通蒲奔大海乃瓜哇咽
喉必爭之地又其謀臣希寧官沿河泊舟觀望成敗屢

招諭不降行省於澗邊設偃月營留萬戶王天祥守
河津圖古德埒克李忠等領水軍鄭鎮國省都鎮撫倫
信等領馬步軍水陸並進希寧官懼棄船宵遁獲鬼頭
大船百餘艘令都元帥諾海萬戶甯居仁鄭珪高德誠
張受等鎮八節澗海口大軍方進土罕必闊耶遣師來
告葛郎主追殺至麻喏巴歇請官軍救之伊克穆蘇張
參政先往安慰土罕必闊耶鄭鎮國引軍赴章孤接援
興進至麻喏巴歇却稱葛郎兵未知遠近興回八節澗伊

克穆蘇尋報賊兵今夜當至召興赴麻喏巴歇七日葛郎兵三路攻土罕必閣耶八日黎明伊克穆蘇孫參政率萬戶李明迎賊於西南不遇興與托歡由東南路與賊戰殺數百人餘奔潰山谷日中西南路賊又至興再戰至晡又敗之十五日分軍為三道伐葛郎期十九日會荅哈聽礮聲接戰圖古德埒克等軍汴流而上伊克穆蘇等由西道興等由東道進土罕必閣耶軍繼其後十九日至荅哈葛郎國主以兵十餘萬交戰自卯至未

連三戰賊敗奔潰擁入河死者數萬人殺五千餘人國主入內城拒守官軍圍之且招其降是夕國王哈只葛當出降撫諭令還四月二日遣土罕必閣耶還其地具入貢禮以萬戶鼎珠卜丹甘珠爾布哈率兵二百護送十九日土罕必閣耶潛叛去留軍拒戰鼎珠卜丹甘珠爾布哈省掾馮祥皆遇害二十四日軍還得哈只葛當妻子官屬百餘人及地圖戶籍所上金字表以還事見史弼高興傳

瑠求

瑠求在南海之東漳泉興福四州界內彭湖諸島與瑠求相對亦素不通天氣清明時望之隱約若煙若霧其遠不知幾千里也西南北岸皆水至彭湖漸低近瑠求則謂之落滌滌者水趨下而不同也凡西岸漁舟到彭湖已下遇颶風發作漂流落滌回者百一瑠求在外夷最小而險者也漢唐以來史所不載近代諸番市舶不聞至其國世祖至元二十八年九月海船副萬戶楊祥

請以六千軍往降之不聽命則遂伐之朝廷從其請繼有書生吳志斗者上言生長福建熟知海道利病以為若欲收附且就澎湖發船往諭相水勢地利然後興兵未晚也冬十月乃命楊祥充宣撫使給金符吳志斗禮部員外郎阮堅兵部員外郎並給銀符往使瑠求詔曰收撫江南已十七年海外諸番罔不臣屬惟瑠求邇閩境未曾歸附議者請即加兵朕惟祖宗立法凡不庭之國先遣使招諭來則按堵如故否則必致征討今止其

兵命楊祥阮鑒往諭汝國果能慕義來朝存爾國祀保爾黎庶若不效順自恃險阻舟師奄及恐貽後悔爾其慎擇之二十九年三月二十九日自汀路尾澳舟行至是日巳時海洋中正東望見有山長而低者約去五十里祥稱是瑠求國鑒稱不知的否祥乘小舟至低山下以人衆不親上岸令軍官劉閏等二百餘人以小舟十一艘載軍器領三嶼人陳輝者登岸岸上人衆不曉三嶼人語為其殺死者三人遂還四月二日至彭湖祥責

鑒志斗已到瑠求文字二人不從明日不見志斗蹤跡
覓之無有也先志斗嘗斥言祥生事要功欲取富貴其
言誕妄難信至是疑祥害之祥顧稱志斗初言瑠求不
可往今祥已至瑠求而還志斗懼罪逃去志斗妻子訴
于官有旨發祥鑒還福建置對後遇赦不竟其事成宗
元貞三年福建省平章政事高興言今立省泉州距瑠
求為近可伺其消息或宜招宜伐不必它調兵力興請
就近試之九月高興遣省都鎮撫張浩福州新軍萬戶

張進赴瑠求國禽生口一百三十餘人

三嶼

三嶼國近瑠求世祖至元三十年命選人招誘之平章政事已延等言臣等與識者議此國之民不及二百戶時有至泉州為商賈者去年入瑠求軍船過其國國人餉以糧食館我將校無它志也乞不遣使帝從之

馬八兒等國

海外諸番國惟馬八兒與俱藍足以綱領諸國而俱藍

又為馬八兒後障自泉州至其國約十萬里其國至阿
不合大王城水路得便風約十五日可到比餘國最大
世祖至元間行中書省左丞索多等奉璽書十通招諭
諸番未幾占城馬八兒國俱奉表稱藩餘俱監諸國未
下行省議遣使十五人往諭之帝曰非索多等所可專
也若無朕命不得擅遣使十六年十二月遣廣東招討
司達魯噶齊楊廷璧招俱監十七年三月至其國國王
必納的令其弟肯那却不刺木省書回回字降表附庭

壁以進言來歲遣使入貢十月授噶扎爾哈雅俱藍國
宣慰使偕庭壁再往招諭十八年正月自泉州入海行
三月抵僧伽耶山舟人鄭震等以阻風乏糧勸往馬八
兒國或可假陸路以達俱藍國從之四月至馬八兒國
新村馬頭登岸其國宰相馬因的謂官人此來甚善本
國船到泉州時官司亦嘗慰勞無以為報今以何事至
此庭壁等告其故因及假道之事馬因的乃託以不通
為辭與其宰相不阿里相見又言假道不阿里亦以它

事辭五月二人蚤至館屏人令其官者為通情實乞為達朝廷我一心願為皇帝奴我使札馬里丁入朝我大必闔赤赴算彈

華言國主也

告變算彈籍我金銀田產妻孥

又欲殺我我詭辭得免今算彈兄弟五人皆聚加一之地議與俱藍交兵及聞天使來對衆稱本國貧陋此是妄言凡回回國金珠寶貝盡出本國其餘回回盡來商賈此間諸國皆有降心若馬八兒既下我使人持書招之可使盡降時噶扎爾哈雅與庭壁以阻風不至俱藍

遂還噶扎爾哈雅入朝計事期以十一月俟北風再舉
至期朝廷遣使令庭壁獨往十九年二月抵俱藍國國
主及其相馬合麻等迎拜璽書三月遣其臣祝阿里沙
忙里八的入貢時也里可溫兀咱兒撒里馬及木速蠻
主馬合麻等亦在其國聞詔使至皆相率來告願納歲
幣遣使入覲會蘇木達國亦遣人因俱藍主乞降庭壁
皆從其請四月還至那旺國庭壁復說下其主忙昂比
至蘇木都剌國國主土漢八的迎使者庭壁因喻以大

義即曰納款稱藩遣其臣哈散速里蠻二人入朝二十
年馬八兒國遣僧撮及班入朝五月將至上京帝即遣
使迎諸道二十三年海外諸番國以楊庭壁奉詔招諭
至是時來降諸國凡十曰馬八兒曰須門那曰僧急里
曰南無力曰馬蘭丹曰那旺曰丁呵兒曰來來曰急蘭
亦得曰蘇木都刺皆遣使貢方物

元史卷二百十

元史卷二百十考證

緬國傳大理路蒙古萬戶呼圖克 萬戶舊作千戶按
地理志憲宗六年收附大理國立上下二萬戶信直
日傳亦載萬戶呼圖克據改

大軍發中慶 按中慶即鄯闡地至元十三年改鄯闡
為中慶路見地理志

占城傳世祖至元十五年左右丞索多以宋平遣人至占
城十九年十月命右丞索多等即其地立省 按索

多傳十五年由參政陞左丞十八年改右丞原本上
下文左右互訛今改正

瑠求傳漢唐以來史所不載按隋書北史皆有疏求
國傳並見於宋史及通典通志文獻通考夷堅志諸
書史文未檢